



文

一百八十九

鄱陽馬端臨貴與著

月

五星

法

象

唐高祖武德元年六月丙子熒惑犯右執法占曰執法大臣象

二年七月戊寅月犯牽牛凡月與列宿相犯其宿地

憂牽牛吳越分九月庚寅太白晝見冬熒惑守五諸

侯六年七月癸卯熒惑犯輿鬼西南星占曰大臣有

誅七年六月熒惑犯右執法七月戊寅歲星犯畢

古曰。邊有兵。八年。九月癸丑。熒惑入太微。太微天
廷也。冬。太白入南斗。斗。王爵祿。九年。五月。太白晝
見。六月。丁巳。經天心。未。又經天。在秦分。丙寅月。月犯氏。
氏。為天子宿宮。巳卯。太白晝見。七月。辛亥。晝見。甲寅。
晝見。八月。丁巳。晝見。太白。上公。經天者。陰乘陽也。
太宗貞觀三年。三月。丁丑。歲星逆行入氏。占曰。人君
治宮室過度。一曰饑。五年。五月。庚申。鎮星犯鍵閉。
占為腹心。喉舌臣。九年。四月。丙午。熒惑犯軒轅。十
年。四月。癸酉。復犯之。占曰。熒惑主禮。禮失而後罰出
焉。軒轅為後宮。十一年。二月。癸未。熒惑入輿鬼。占

曰。賊在大人側。十二年。六月。辛卯。熒惑入東井。占
曰。旱。十三年。五月。乙巳。犯右執法。六月。太白犯東
井。北轅。井。京師分也。十四年。十一月。壬午。月入太
微。占曰。君不安。十五年。二月。熒惑逆行犯太微東
上相。十六年。五月。太白犯左股。畢。為邊將。六月。戊戌。
晝見。九月。巳未。熒惑犯太微西上將。十月。丙戌。入太
微。犯左執法。十七年。月犯鍵閉。三月。丁巳。守心前
星。癸酉。逆行犯鈞鈴。熒惑常以十月入太微。受制而
出。伺其所守。犯天子所誅也。鍵閉。為心腹。喉舌臣。鈞
鈴。以開闔天心。皆貴臣象。十八年。十一月。乙未。月

掩鈞鈴。十九年七月壬午。太白入太微。是夜月掩南斗。太白遂犯左執法。光芒相及箕斗間。漢津。高麗地也。太白為兵。亦罰星也。二十年七月丁未。歲星守東壁。占曰。五穀以水傷。二十一年四月戊寅。月犯熒惑。占曰。貴臣死。十二月丁丑。月食昴。占曰。天子破匈奴。二十三年五月丁亥。犯右執法。七月。太白晝見乙巳。鎮星守東井。占曰。旱。閏十二月辛巳。太白犯建星。占曰。大臣相譖。

高宗永徽元年二月己丑。熒惑犯東井。占曰。旱。四月己巳。月犯五諸侯。熒惑犯輿鬼。占曰。諸侯凶。五月己

未。太白晝見。二年六月己丑。太白入太微。犯右執

法。九月甲午。犯心前星。十二月乙未。太白晝見。

三年正月壬戌。犯牽牛。牽牛為將軍。又吳越分也。丁

亥。歲星掩太微上將。二月己丑。熒惑犯五諸侯。五月

戊子。掩右執法。四年六月己丑。太白晝見。六年

七月乙亥。歲星守尾。占曰。人主以嬪為后。己丑。熒惑

入輿鬼。八月丁卯。入軒轅。顯慶元年四月丁酉。太

白犯東井北轅。占曰。秦有兵。五年二月甲午。熒惑

入南斗。六月戊申。復犯之。南斗天廟。去復來者其事

大且久也。龍朔元年六月辛巳。太白晝見經天。九

月癸卯。犯左執法。二年。七月己丑。熒惑守羽林。羽林禁兵也。三年。正月己卯。犯天街。占曰。政塞姦出。六月乙酉。太白入東井。占曰。君失政。大臣有誅。麟德二年。三月。戊午。熒惑犯東井。四月壬寅。入輿鬼。犯質星。乾封元年。八月乙巳。熒惑入東井。二年。五月庚申。入軒轅。三年。正月乙巳。月犯軒轅大星。咸亨元年。四月癸卯。月犯東井。占曰。人主憂。七月壬申。熒惑入東井。占曰。旱。丙申。月犯熒惑。占曰。貴人死。十二月丙子。熒惑入太微。二年。四月戊辰。復犯太微垣將相位也。五年。六月壬寅。太白入東井。上

元二年。正月甲寅。熒惑犯房。占曰。君有憂。一曰。有喪。三年。正月丁卯。太白犯牽牛。占曰。將軍凶。儀鳳二年。八月辛亥。太白犯軒轅左角。左角。貴相也。三年。七月戊寅。熒惑犯鈎鈐。四年。四月戊午。入羽林。占曰。軍憂。調露元年。七月辛巳。入天園。永隆元年。五月癸未。犯輿鬼。丁酉。太白晝見經天。是謂陰乘陽。君道也。永淳元年。五月丁巳。辰星犯軒轅。九月庚戌。熒惑入輿鬼。犯質星。十一月乙未。復犯輿鬼。去而復來。是謂句已。垂拱元年。四月癸未。辰星犯東井北轅。辰星為廷尉。

東井為法令失道則相犯也。十二月戊子。月掩軒轅大星。二年。三月丙辰。復犯之。

萬歲通天元年。十一月乙丑。歲星犯司恠。占曰。水旱不時。聖曆元年。五月庚午。太白犯天關。天關主邊事。二年。熒惑入輿鬼。三年。三月辛亥。歲星犯左執法。久視元年。十二月甲戌晦。熒惑犯軒轅。自乾封二年後。及熒惑太白辰星凌犯軒轅者六。長安二年。熒惑犯五諸侯。渾儀監尚獻甫奏。臣命在金五諸侯太史之位。火克金。臣將死矣。武后曰。朕為卿禳之。以獻甫為水衡都尉。水生金。又去太史之位。卿

無憂矣。是秋獻甫卒。四年。熒惑入月。鎮星犯天關。

睿宗神龍元年。三月癸巳。熒惑犯天田。占曰。旱。七月辛巳。掩氐西南星。占曰。賊臣在內。二年。閏正月丁

卯。月掩軒轅后星。九月壬子。熒惑犯左執法。巳

巳月犯軒轅后星。十一月辛亥。犯昴。占曰。胡王死。

戊午。熒惑入氐。十二月丁酉。犯天江。占曰。旱。三年。

五月戊戌。太白入輿鬼中。占曰。大臣有誅。景龍三

年。六月癸巳。太白晝見在東井。京師分也。四年。二

月癸未。熒惑犯天街。五月甲子。月犯五諸侯。

景雲二年。三月壬申。太白入羽林。八月巳未。歲星犯

執法。三月壬申。熒惑入東井。

玄宗先天元年。八月甲子。太白襲月。占曰。太白兵象。月大臣體。二年。十一月丙子。熒惑犯司恠。

開元二年。七月己丑。太白犯輿鬼東南星。七年。六

月甲戌。太白犯東井鉞星。占曰。斧鉞用。八年。三月

庚午。犯東井北轅。五月甲子。犯軒轅。十一年。十一

月丁卯。歲星犯進賢。十四年。十月甲寅。太白晝見。

二十五年。六月壬戌。熒惑犯房。二十七年。七月

辛丑。犯南斗。占曰。貴相凶。天寶十三載。五月。熒惑

守心五旬餘。占曰。主去其宮。十四載。十二月。月食。

歲星在東井。占曰。其國亡。東井京師分也。

肅宗至德二載。七月己酉。太白晝見經天。至于十一月戊午。不見。歷秦周楚鄭宋燕之分。十二月。歲星犯

軒轅大星。占曰。女主謀君。乾元元年。五月癸未。月

奄心前星。占曰。太子憂。六月癸丑。入南斗魁中。占曰。

大人憂。二年。正月癸未。歲星食。月在翼楚分也。一

曰。饑。二月丙辰。月犯心中星。占曰。主命惡之。上元

元年。五月癸丑。月奄昴。占曰。胡王死。八月己酉。太白

犯進賢。十二月癸未。歲星奄房。占曰。將相憂。三年。

建子月癸巳。月掩昴。出昴北。八月丁卯。又掩昴。

代宗寶應二年四月己丑。月奄歲星。占曰。饑。永泰元年。九月辛卯。太白晝見經天。大曆二年。七月癸亥。熒惑入氐。其色赤黃。乙丑。鎮星犯水位。占曰。有水灾。乙亥。歲星犯司恠。八月壬午。月入氐。丙申。犯畢。九月戊申。歲星守東井。占皆為有兵。乙丑。熒惑犯南斗。在燕分下。二月丁丑。犯壘壁。占曰。兵起。三年。正月壬子。月掩畢。八月己未。復掩壁。辛酉。入東井。九月壬申。歲星入輿鬼。主死喪。丁丑。熒惑入太微。二旬而出。己卯。太白犯左執法。四年。二月壬寅。熒惑守房上相。丙午。有芒角。三月壬午。逆行入氐中。是月鎮星犯

輿鬼。七月戊辰。熒惑犯次相。九月丁卯。犯建星。占曰。大臣相譖。五年。二月乙巳。歲星入軒轅。六月丁酉。月犯進賢。庚子。犯氐。庚戌。太白入東井。六年。七月乙巳。月掩畢。入畢中。壬子。月犯太微。八月甲戌。熒惑犯鄭星。庚辰。月入太微。九月壬辰。熒惑犯哭星。庚子。犯泣星。是夜月掩畢。丁未。入太微。十月丁卯。掩畢。己巳。熒惑犯壘壁。甲戌。月入軒轅。占曰。憂在後宮。十一月壬寅。入太微。丙午。掩氐。十二月己巳。入太微。七年。正月乙未。犯軒轅。二月戊午。掩天關。占曰。亂臣更天子法令。己巳。熒惑犯天街。四月丁巳。入東井。辛未。歲星犯左角。占曰。天下之

道不通。壬申月入羽林。五月丙戌入太微。八年四月癸丑。歲星掩房。占曰。將相憂。又宋分也。甲寅。熒惑入壘壁。五月庚辰入羽林。七月己卯。太白入東井。留七日。非常度也。占曰。秦有兵。乙未月入畢中。癸未入羽林。己丑。太白入太微。占曰。兵入天廷。八月。晝見。十一月丁巳。月掩畢。壬戌入輿鬼。掩質星。庚午。月及太白入氐中。占曰。君有哭泣事。十一月己卯。月入羽林。癸未。太白入房。占曰。白衣會。不曰犯。而曰入。蓋鈞鈴間。癸丑。月掩天關。甲寅。入東井。癸酉。入羽林。九年。三月丁未。熒惑入東井。四月丁丑。月入太微。五月己未。太白入軒轅。占曰。憂在後。

宮。六月己卯。月掩南斗。庚辰。入太微。七月甲辰。掩房。辛亥。入羽林。壬戌。入輿鬼。九月辛丑。太白入南斗。占曰。有反臣。又曰。有赦。甲子。熒惑入氐。宋分也。十月戊子。歲星入南斗。占曰。大臣有誅。十二月戊辰。月入羽林。十年。三月庚戌。熒惑入壘壁。四月甲子。入羽林。八月戊辰。月入太微。十一年。閏八月丁酉。太白晝見經天。十二年。正月乙丑。月掩軒轅。癸酉。掩心前星。宋分也。丙子。入南斗。魁中。二月乙未。鎮星入氐中。占曰。其分兵喪。李正。巳地也。三月壬戌。月入太微。四月乙未。掩心前星。五月丙辰。入太微。戊戌。入羽林。七

月庚戌。入南斗乙亥。熒惑入東井十月壬辰。月掩昴
庚子。入太微。十一月乙卯入羽林。十二月壬午復入
羽林。自六年至此月入太微者十有二。入羽林者八。
熒惑入東井。再入羽林。三入壘壁。月太白。歲星皆南
斗魁中。十四年春。歲星入東井。

德宗建中元年十一月。月食。歲星在秦分。占曰。其國
亡。是月。歲星食天尸。天尸輿鬼中星。占曰。有妖言小
人在位。君王失樞。死者太半。三年七月。月掩心中
星。貞元四年五月丁卯。月犯歲星在營室。六月癸
卯。熒惑逆行入羽林。占曰。君有憂。六年五月戊辰。

月犯太白間容一指。占曰。大將死十年。四月太白晝
見。十一年七月。熒惑太白相繼犯太微上將。十
三年二月戊辰。太白入昴。三月庚寅。月犯太白。十
九年三月。熒惑入南斗。色如血。斗吳越分。色如血者
旱祲也。二十一年正月己酉。太白犯昴。趙分也。
順宗永貞元年十二月丙午。月犯畢。己酉。歲星犯太
微西垣。將相位也。

憲宗元和元年十月。太白入南斗。十二月。復犯之。斗
吳分也。二年正月癸丑。月犯太白。干女虛。二月壬
申。月掩歲星。占曰。大臣死。四月丙子。太白犯東井北

轅。已卯。月犯房上相。三年。三月乙未。鎮星食月在
氏。占曰。其地主死。四年。九月癸亥。太白犯南斗。
七年。正月辛未。月奄熒惑。五月癸亥。熒惑犯右執法。
六月己亥。月犯南斗魁。八年。七月癸酉。月犯五諸
侯。十月己丑。熒惑犯太微西上將。十二月。掩左執法。
九年。二月丁酉。月犯心中星。七月辛亥。奄心中星。
占曰。其宿地凶。心。豫州分。壬辰。月掩軒轅。是月太白
入南斗。至十月出。乃書見。熒惑入南斗中。因留犯之。
南斗。天廟。又丞相位也。十年。八月丙午。月入南斗魁
中。十一年。二月丙辰。月奄心。是月熒惑入氏。因逆

行。三月己丑。月犯鎮星。在女齊分也。四月丙辰。太白
犯輿鬼。占曰。有僂臣。六月甲辰。月奄心後星。是月熒
惑復入氏。是謂句已。十一月戊寅。月犯歲星。十二月
甲午。犯鎮星。在危。亦齊分也。十二年。三月丁丑。月
犯心。十三年。正月乙未。歲星逆行。犯太微西上將。
三月。熒惑入南斗。因逆留。至于七月。在南斗中。大如
五升器。色赤而怒。乃東行。非常也。八月甲戌。太白犯
左執法。乙巳。熒惑犯哭星。十月甲子。月犯昴。趙分也。
十四年。正月癸卯。月犯南斗魁。占曰。相凶。五月丙
戌。月犯心中星。七月乙酉。奄心中星。十五年。正月

丙申。復犯中星。四月。太白犯昴。七月庚申。熒惑逆行入羽林。八月己卯。月掩牽牛。吳越分也。十一月壬子。月犯東井城轅。

穆宗長慶元年。正月丙午。月掩東井。越遂犯南轅。第一星。二月乙亥。太白犯昴。趙分也。丁亥。月犯歲星。在巳。占曰。大臣死。燕分也。三月庚戌。太白犯五車。因晝見。至于七月。以歷度推之。在唐及趙魏之分。占曰。兵起。七月壬寅。月掩房次。相。九月乙巳。太白犯左執法。二年九月。太白晝見。熒惑守天囷。六旬餘乃去。占曰。天囷。上帝之藏。耗祥也。十月。熒惑犯鎮星于昴。甲

子。月掩牽牛中星。占曰。吳越凶。十一月丁丑。掩左角。十二月。復掩之。占曰。將死。甲寅。月犯大白于南斗。四年。三月庚午。太白犯東井北轅。遂入井中。晝見。經天七日而出。因犯輿鬼。京師分也。五月乙亥。月奄畢大星。六月丙戌。鎮星依曆在觜。觜。羸行至參。六度。當居不居。失行而前。遂犯井。越。占曰。所居宿久。國福厚。易福薄。又曰。羸為王不寧。越主斬刈而又犯之。其占重。癸未。熒惑犯東井。丁亥。入井中。己丑。太白犯軒轅。右角。因晝見。至于九月。占曰。相凶。十月辛巳。月入畢口。十一月。熒惑逆行向參。鎮星守天關。十二月戊子。

月掩東井

敬宗寶曆元年。四月壬寅。熒惑入輿鬼。掩積尸。七月癸卯。犯執法。甲辰。鎮星犯東井。甲子。月奄畢大星。癸未。太白犯南斗。丙戌。月犯畢。十月辛亥。犯天囷。十一月庚辰。鎮星復犯東井。癸未。月犯東井。二年。正月甲申。犯左執法。戊子。入于氐。三月丙午。犯畢。五月甲午。熒惑犯昴。六月。太白犯昴。七月壬申。月犯畢。八月庚戌。熒惑犯輿鬼。

文宗大和元年。正月庚午。月掩畢。三月癸丑。入畢。掩大星。月變于畢者。自寶曆元年九月及茲而五。五

月。月掩熒惑。在太微西垣。丙戌。熒惑犯執法。太和二年。正月庚午。月掩鎮星。七月甲辰。熒惑掩輿鬼質星。十月丁卯。月奄東井北轅。三年。二月乙卯。太白犯昴。壬申。熒惑掩右執法。七月。入于氐。十月。入于南斗。四年。四月庚申。月奄南斗杓次星。十一月辛未。熒惑犯右執法。五年。二月甲申。月奄熒惑。三月。熒惑犯南斗杓次星。六年。四月辛未。月奄鎮星于端門。己丑。太白晝見。七月戊戌。月掩心中大星。辛丑。月掩南斗杓次星。七年。五月甲辰。熒惑守心中星。六月丙子。月奄心中星。遂犯熒惑。七月甲午。月奄心中星。

丙申。奄南斗口第二星。九月丁巳。入于箕。戊辰。入于南斗。癸酉。太白入南斗。冬。鎮星守角。八年。二月。始去。七月。戊子。月犯卯。十月。庚子。熒惑鎮星合于亢。十二月。丙戌。月奄昴。是歲月入南斗者五。占曰。大人憂九年。夏。太白晝見。自軒轅至于翼軫。六月。庚寅。月奄歲星。在危而暈。十月。庚辰。月復掩歲星在危。開成元年。正月。甲辰。太白掩建星。占曰。大臣相譖。六月。丁未。月掩心前星。八月。乙巳。入南斗。二年。正月。壬申。月掩昴。二月。己亥。月奄太白于昴中。六月。甲寅。月掩昴而暈。太白亦有暈。六月。己酉。大星晝見。庚申。太白入

東井。七月。壬申。月入南斗。丁亥。掩太白于柳。八月。壬子。太白入太微。遂犯左右執法。九月。丙子。月掩昴。三年。二月。己酉。奄心前星。二月。戊午。熒惑入東井。三月。乙酉。入輿鬼。五月。辛酉。太白犯輿鬼。庚午。月犯心中星。甲寅。太白犯右執法。七月。乙丑。月掩心前星。十月。辛卯。太白犯南斗。四年。二月。丁卯。月奄歲星于畢。三月。乙酉。掩東井。七月。乙未。月犯熒惑。占曰。貴臣死。八月。壬申。熒惑犯越。遂入東井。十月。戊午。辰星入南斗。魁中。占曰。大赦。五年。春。木當王而歲星小闇。無光。占曰。有大喪。二月。壬申。熒惑入輿鬼。四月。太白

入輿鬼。五月辰星見于七星。色赤如火。七月乙酉。月掩歲星。

武宗會昌元年。閏八月丁酉。熒惑入輿鬼中。占曰。有兵喪。十二月庚午。月犯太白于羽林。二年正月壬戌。太白于羽林。六月丙寅。太白犯東井。十月丙戌。月掩歲星于角。三年三月丙申。又掩歲星于角。七月癸巳。熒惑入東井。色蒼赤。動搖井中。八月丁丑。犯輿鬼。十月壬午。晝月食太白于亢。四年二月。歲星守房。掩上相。熒惑逆行守軒轅。四旬乃去。庚申。月奄畢大星。十月癸未。太白與熒惑合。遂入南斗。五年二月壬

午。太白掩昴。五月辛酉。入畢口。八月壬午。犯軒轅大星。九月癸巳。熒惑犯太微上將。六年二月丁丑。犯畢大星。丁亥。月出無光。犯熒惑于太微。頃之乃稍有光。遂犯左執法。丙申。掩牽牛南星。遂犯歲星。牽牛揚州分。

宣宗大中十一年。八月。熒惑犯東井。

懿宗咸通十年春。熒惑逆行守心。

僖宗乾符二年。四月庚辰。太白晝見在昴。三年七月。常星晝見。四年七月。月犯房。六年冬。歲星入南斗魁中。占曰。有反臣。光啓二年。四月。熒惑犯月。

角。文德元年。七月丙午。月入南斗。八月熒惑守輿鬼。占曰。多戰死。

昭宗龍紀元年。七月甲辰。月犯心。乾寧二年。七月癸亥。熒惑犯心。光化二年。鎮星入南斗。三年。八月壬寅。太白應見。在氏不見。至九月丁亥。乃見。是謂當出不出。十一月丁未。太白犯月。因晝見。天復元年。五月。自丁酉。至于己亥。太白晝見。經天。在井度。十月。大角。五色散搖。煌煌如火。占曰。王者惡之。二年。五月甲子。太白襲熒惑。在軒轅后星上。太白遂犯端門。又犯長垣中星。占曰。賊臣謀亂。京畿大戰。十月甲戌。太白

夕見。在斗。去地一丈而墜。占曰。兵聚其下。又曰。山摧石裂。大水竭。庚子。辰星見。氏中。小而不明。占曰。負海之國大水。是歲鎮星守虛。三年。二月。始去虛。十一月。丙戌。太白在南斗。去地五尺許。色小而黃。至明年正月。乃高十丈。光芒甚大。是冬熒惑徘徊于東井間。久而不去。京師分也。

天祐元年。二月辛卯。太白夕見。昴西。色赤。炎燄如火。壬辰。有三角如花而動搖。占曰。有反城。有火災。胡起。六月甲午。太白在張。芒角甚大。癸丑。句己水位。自夏及秋。大角五色散搖。煌煌然。占同。天復三年。八月

丙午。歲星在哭星上。生黃白氣如字狀。

梁太祖開平二年。夏。四月辛丑。熒惑犯上將。二年。正月。熒惑犯房第二星。戊申。月犯心大星。四月甲寅。月掩心大星。五月壬戌。熒惑犯心大星。去心四度。順行。心帝王之星。其年六月五日。帝崩。正明四年。十月。鎮星犯文昌上將。

後唐莊宗同光三年。八月。熒惑犯星。九月。熒惑在江東犯第一星。是年大水。三年丙申。熒惑犯上相。四月甲子。熒惑犯左執法。六月丙寅。歲星犯右執法。明宗天成元年。四月庚戌。金犯積尸。七月己未。月犯

太白。乙丑。月入南斗魁。八月癸卯。太白犯心大星。乙巳。月犯五諸侯。辛亥。熒惑犯上將。九月丁巳。月犯心大星。己巳。月犯昴。庚午。熒惑犯右執法。己卯。熒惑犯左執法。十月戊子。熒惑犯上相。丙午。月掩左執法。十一月丁丑。月暈匝火木。戊寅。月犯金木土。十二月。熒惑犯氏。乙巳。月掩庶子。二年。二月辛卯。熒惑犯鍵閉。三月。月掩鬼。己巳。熒惑犯上相。乙亥。月入羽林。四月丁亥。月犯左執法。癸卯。月入羽林。六月辛丑。熒惑犯房。庚子。月犯五諸侯。九月壬子。歲犯房。庚申。月入羽林。壬申。月犯上將。十月壬午。月犯五諸侯。十一月

乙卯。月入羽林。三年。四月丁酉。月犯五諸侯。五月丁巳。月掩房距星。六月乙酉。月掩心庶子。癸巳。月入羽林。七月。月入南斗魁。閏八月。熒惑犯上將。戊申。月犯南斗。乙卯。熒惑犯右執法。庚戌。太白犯右執法。十一月。月掩軒轅大星。乙未。太白犯鎮月掩房。十二月。熒惑犯房。四年。正月癸巳。月入南斗魁。二月。月及火土合于斗。三月。歲犯牛。七月丁丑。月入南斗。九月丙子。熒惑入哭星。

長興元年。六月乙卯。太白犯天鐔。八月己亥。月犯南斗。乙卯。月犯積尸。十一月。熒惑犯氏。十二月。熒惑犯天江。二年。正月。太白犯羽林。庚辰。月犯心距星。二月丁未。月犯房。四月。熒惑犯羽林。八月丁巳。辰犯端門。十一月丙戌。太白犯鍵。三年。四月庚辰。熒惑犯積尸。九月庚寅。太白犯哭星。十一月己亥。太白犯壁壘。九月辛巳。太白犯右執法。六月甲戌。太白犯右執法。

晉高帝天福元年。三月。熒惑犯積尸。三年。五月壬子。月犯上將。四年。四月辛巳。太白犯東井北轅。甲午。太白犯五諸侯。五月。太白犯輿鬼中星。九月癸未。月掩畢。六年。八月辛卯。太白犯軒轅。九月己卯。熒

惑犯上將。八年八月丙子。熒惑犯右掖。十月丙辰。熒惑犯進賢。十一月月犯房。

出帝開運元年。二月壬戌。太白犯昴。己巳。熒惑犯天鑰。四月。太白犯五諸侯。丁巳。太白犯五諸侯。七月。月犯熒惑。壬午。月入南斗。庚寅。月太白犯東井。八月。甲辰。熒惑入南斗。九月。丙子。月入南斗。庚寅。月犯五諸侯。十月。癸卯。月入南斗。十一月。辛巳。月犯昴。二年。七月。月犯角。壬寅。月犯心前大星。庚戌。歲犯井鉞。八月。甲戌。歲犯東井。九月。己酉。月犯昴。甲寅。太白犯南斗。魁。十一月。太白犯哭星。癸丑。月掩距星。戊午。月犯

心後星

漢高帝天福十二年。十月己丑。太白犯亢距星。十一月。月犯卯。乙亥。月掩心大星。己卯。月犯南斗。乾祐元年。四月。月犯南斗。乙未。月入南斗。七月。月掩心庶子星。八月。鎮犯太微西垣。戊戌。歲犯右執法。九月。月掩鬼。十月。歲犯左執法。六年。六月壬午。月犯心。丙戌。月犯天關。八月。乙亥。月犯房次將。九月。壬寅。太白犯右執法。辛酉。鎮犯右執法。甲寅。月犯昴。三年。二月。月犯昴。六月。鎮犯左掖。七月。熒惑犯司恠。八月。太白犯房。庚戌。太白犯心大星。十月。月犯心大星。

周太祖廣順元年。二月。歲犯咸池。己未。熒惑犯五諸侯。三月。歲守心。己卯。熒惑犯鬼。壬午。熒惑犯天尸。四月。歲犯鈎鈴。二年。七月。熒惑犯井越。八月。熒惑犯天鐫。九月。熒惑犯鬼。庚辰。太白掩右執法。十月。太白犯進賢。二年。四月。熒惑犯靈臺。五月。熒惑犯上將。丙申。熒惑犯右執法。七月。月犯房。

世宗顯德六年。六月。熒惑與心大星合度。光芒相射。其月帝崩。先是熒惑句巳於房心間。凡數月。至上臨崩之前一夕。與心大星合度。是夜方順行。

宋太祖太宗真宗三朝。月犯五緯。建隆二年。十一

月癸未。犯歲星。開寶三年。九月乙卯。犯鎮星。太平

興國三年。七月己亥。掩熒惑。八月甲戌。與太白合。

八年。七月辛亥。凌犯歲星。端拱元年。二月戊申。犯

鎮星。辛亥。犯歲星。六月丁卯。掩鎮星。淳化元年。十

一月丙申。與熒惑合。二年。六月己丑。犯歲星。三年。三

月癸亥。與太白合。九月戊午。掩熒惑。十二月甲申。與

熒惑合。四年。十月癸未。與辰星合。五年。十月己

亥。犯歲星。至道三年。八月戊申。犯鎮星。十二月癸

丑。犯歲星。咸平元年。三月乙丑。犯熒惑。五月己巳。

掩歲星。十二月甲午。犯鎮星。二年。二月戊子。犯太

白。十一月乙未。犯熒惑。二年。二月壬子。犯太白。四年。十月辛酉。掩熒惑。五年。二月癸巳。犯歲星。

六年。十一月癸卯。犯鎮星。七月庚午。犯歲星。大中

祥符二年。十一月丙子。又犯。三年。十月丙辰。犯熒

惑。四年。正月丁丑。犯太白。二月壬辰。犯鎮星。八月

丙寅。犯太白。五年。三月癸未。犯鎮星。六年。二月

丙戌。犯歲星。七年。十二月丁丑。犯鎮星。四月丙辰。

掩熒惑。八月癸未。犯鎮星。九年。五月己巳。犯歲星。

十月戊戌。犯太白。十二月丙戌。犯熒惑。天禧元年。

正月戊申。犯歲星。三年。四月乙未。犯熒惑。相距五

寸許。九月己卯。犯歲星。七月辛亥。犯太白。八月庚子。

犯熒惑。五年。五月辛卯。犯鎮星。

三朝太陰五星凌犯。建隆元年。正月甲子。太白犯

熒惑于婁。十月壬申。又犯于軫。占曰。荆楚有兵。時李

重進以揚州叛。討平之。癸卯。熒惑犯進賢。十一月。又

犯氏。占曰。后宮灾。明年。昭憲皇太后崩。三年。十月。

熒惑犯氏。占曰。后宮灾。明年。李明皇后崩。十二月。熒

惑入天鑰。月入南斗魁。占曰。大臣憂。踰年。宰相范質

王溥。魏仁浦罷。開寶五年。二月。熒惑退入太微上

相。明年。宰相趙普出鎮。太平興國八年。三月己巳。

熒惑犯歲星。占云。有赦。九年七月。月犯五諸侯。第三星。占曰。諸侯有誅。責九月丁未。月犯南斗魁甲子。又犯昴。占曰。胡不安。十一月戊戌。太白入氐。占曰。有兵。次年。河北用兵。端拱元年。十二月。熒惑犯亢。第二星。占云。大臣憂。又曰。鄭旱。明年。京輔少雨。淳化元年。七月。月犯畢。占云。陰國憂。又主霖雨。二年。正月丙戌。熒惑犯房。第一星。占曰。大臣憂。其年。宰相呂蒙正。樞密使王顯。叅政王沔。陳恕。罷。四年。四月。熒惑入羽林。占云。主有兵。明年。李繼隆擒趙保忠。王繼恩。平李順。十月。太白犯南斗魁。占云。將相憂。明年。右驍衛大將軍張遜卒。其年冬。宰相李沆。叅政賈黃中。同知樞密院溫仲舒。罷。五年。十月。熒惑入氐。犯西南星。占云。后妃大臣憂。明年。孝章皇后崩。十一月乙卯。月犯畢。大星。占云。五日內有雨雪之應。至道三年。九月癸未。月入軒轅。占曰。宮中有憂。明年。秦國成。聖繼明夫人薨。咸平元年。六月壬辰。月入太微。占曰。大臣有憂。是年冬。宰相呂端。叅政溫仲舒。罷。庚戌。歲星入氐。占曰。氐為路寢。王者宿宮。歲星三八。天子當將兵於野。明年。契丹犯塞。車駕幸河北。七月癸酉。太白犯角左星。占曰。有兵。戰不勝。將軍憂。踰年。虜寇

河間。副都部署康保裔戰死。二年正月己卯。月入南斗魁。占曰。吳分饑疫。明年兩浙大饑。民疫死。十月癸亥。月犯卯。占曰。匈奴受兵。明年范廷召大破契丹於黃州東。八月甲子。熒惑犯輿鬼。占曰。執法憂。明年御史中丞趙昌言等貶。十月丙午。太白入南斗。占曰。丞相憂。明年宰相向敏中罷。乙卯。月犯五車。占曰。主兵起。路壅塞。其年遷賊大擾。靈州陷。閏十二月。月犯角大星。占曰。主大戰。明年遷賊圍麟州。擊敗之。五年八月。熒惑犯房。占曰。將相憂。明年宰相呂蒙正罷。十二月甲申。月掩心前星。占曰。月數犯心後星。復掩前星。皇太子憂。明年周王薨。又皇太子生。兩月不育。六年正月辛亥。月犯房上將次將心小星。占曰。將臣死。其年戎寇南牧。副都部署王繼忠戰歿。四月。太白犯輿鬼。占曰。大臣有薨黜者。是秋堯王薨。十一月甲辰。熒惑犯太微上相。占曰。上相憂。明年宰相李沆卒。景德元年六月。月犯昴。占曰。匈奴受兵。戊寅。又犯五車東南星。占曰。兵起。七月乙巳。熒惑犯氏。占曰。天子親征。是冬契丹來寇。上勞軍于澶州。閏九月。太白犯南斗。占曰。外國有使至。又曰。有赦令。其年契丹使來求和。赦河北。二年六月。月犯南斗。占曰。大臣死。其

年宰相畢士安薨九月丁未。熒惑太白犯太微上相
占曰。丞相有免者。明年宰相寇準罷。三年九月戊
子。辰星晨見東方在亢。太白又見西方在尾。占曰。金
水各一方。主有兵不戰。大中祥符元年七月己未。
歲星在太微。占曰。將相憂。明年殿前都指揮使劉謙
卒。二年九月。月入東井。占曰。有大水。明年夏京師
大水。壞廬舍。十月。鎮星犯進賢。占曰。卿相憂。明年節
度使同平章事石保安定郡公惟吉卒。丁酉。月犯
畢。占曰。北國憂。踰月。契丹母卒。三年三月。鎮星犯
進賢。占曰。卿相憂。明年。叅政馮拯罷。四月。歲星退行
入氐。丙午。又守氐。占曰。主饑疫。明年。江淮饑。壬戌。太
白犯建星。占曰。大臣有出者。明年。叅政趙安仁罷。
五年十月。太白犯箕。占曰。後宮有大慶。其年立皇后。
閏月。熒惑在諸王北。占曰。侯王憂。踰年。舒王薨。六
年。四月甲辰。昏度。月犯南斗。占曰。大臣憂。明年。樞密
使王欽若。陳堯叟。副使馬知節罷。八年二月。熒惑
犯五諸侯。占曰。侯王憂。其年。榮王元儼降。封端王。閏
六月。月犯鍵閉。占曰。將相災。明年。天平節度周瑩卒。
樞密使同平章事陳堯叟罷。九年十二月。月入太
微。占曰。大臣憂。明年。叅政王曾罷。天禧元年二月。

鎮星犯建星。占曰。大臣憂。其年太尉王旦薨。八月。太白犯房次相。占曰。將相有大憂。明年徐王薨。十月。月入太微端門。占曰。大臣憂。明年。參政張知白罷。十一月。又犯太微上相踰年。宰相王欽若罷。二年。正月。月犯南斗距星。占曰。德令下。其年立皇子。大赦。六月。月犯房。占曰。房中道也。月行中道。天下和平。三年。五月。鎮星犯牽牛。占曰。有土功。其年河決滑州。大興。役徒塞之。十月。太白犯進賢。占曰。卿相有憂。明年。宰相向敏中卒。十一月。月入太微。占曰。大臣憂。明年。宰相李迪罷。四年。二月。月犯箕。占曰。有大風。其年四月。

西北大風起。飛沙折木。晝晦數刻。四月。月掩房次。將占曰。臣下有憂。宜察邪亂之臣。不然有暴兵。戊戌。又掩南斗魁。占曰。將相有憂。其年宰相寇準罷。五月。癸亥。又掩日。後星。占曰。臣下。有陰謀。是年周懷政謀亂。覺伏誅。

仁宗英宗兩朝。月五星凌犯。

乾興元年。三月。木犯房。占云。秋立雨水。四月。月犯南斗魁第二星。占曰。宜謹關梁。察姦詐。將帥有憂。十一月。月犯五車。占曰。有兵疫事。天聖元年。五月。月掩房。占曰。次將。災九月。火犯壘壁陣。占曰。將兵者有災。

二年二月。月犯鬼。因掩積尸。十一月。火犯房。三年。正月。火犯天籥。五月。金犯太微上將。七月。月犯房。十一月。火犯外屏。四年。二月。火犯天高。十月。月犯東井。占曰。冬多雨雪。春多雨水。五年。九月。金犯靈臺。占曰。日官失職。水旱失時。乙巳。金犯明堂。占曰。天子易宮。宜避正殿。正寢。以順天道。十月。月犯牽牛中星。占曰。牛疫。犧牲之官有憂。六年。正月。甲寅。日官言。熒惑行近天街。當犯而不犯。請宣付史館。從之。六月。月犯氐。占曰。兵饑。刑失中。八月。木犯鉞。十月。月犯東井。七年。六月。月掩畢。八月。木犯輿鬼。八年。正月。

火犯東井。占曰。秦分小兵作。四月。木犯鬼尸。九月。木犯軒轅。十月。月掩畢第二星。九年。九月。火犯輿鬼。十一月。月掩畢。

明道元年。二月。庚午。金犯五車。六月。金犯東井。光相接。八月。金掩軒轅左角。十一月。月犯謁者。二年。二月。月入畢口。九月。月入太微。十月。金犯南斗。景祐元年。正月。木犯東咸。五月。火犯右執法。七月。月犯南斗。十一月。月犯房。二年。三月。金犯東井。四月。犯五諸侯。七月。火犯靈臺。十一月。金入氐。三年。正月。火犯進賢。六月。月犯氐。八月。月犯南斗。四年。六

月。金犯東井。七月。金犯軒轅大星。十月。土犯左執法。寶元元年。正月。火犯房。四月。月犯角。九月。火犯天雞。二年。五月。月犯心大星。十月。犯南斗。

康定元年。正月。火犯建星。六月。木犯井鉞。七月。木犯東井。十一月。月犯軒轅御女。

慶曆元年。正月。月犯房次將。六月。犯東井。七月。月掩斗天相。十一月。木退犯輿鬼。占曰。秦分饑。二年。二月。月犯輿鬼。四月。木犯鬼尸。三年。五月。金犯軒轅大星。九月。木犯左執法。四年。二月。木犯左執法。七月。月犯東井。五年。二月。火犯東井。五月。犯軒轅大

星。十二月。月犯房上相。六年。七月。金犯左角。十一月。月犯畢距星。七年。正月。火犯五諸侯。六月。土犯建。八月。月犯畢大星。八年。二月。金犯五車東南星。六月。月犯畢。八月。火犯鬼屍。十一月。月掩畢。

皇祐元年。二月。又掩畢。五月。火犯右執法。九月。金犯斗天相。十一月。月掩畢。二年。三月。月犯軒轅大星。八月。月入東井。十一月。月犯畢。入氐。占曰。水蟲多死。三年。三月。月犯畢。四月。月入太微。占曰。貴臣失勢。八月。火犯天江。四年。正月。月犯東井。占為風雨之候。及水官有黜者。八月。犯輿鬼。十月。金犯南斗。占曰。兵

起 五年。六月。金犯井鉞。閏七月。火犯天江。占曰。旱
饑

至和元年。十一月。火犯亢。二年。九月。犯壘壁陣。
三年。二月。月犯氐。占曰。氐為宿宮。月犯之。郎將有咎。
四月。金犯畢。占畢為邊兵。七月。月犯南斗。占南為天
廟丞相太宰之位。今月宿魁中犯之。大臣其有咎。風
雨則解。

嘉祐元年。十月。金入氐。占曰。天下疫。二年。三月。火
犯壘壁陣。占曰。有兵。四月。月犯心。占大臣有憂。八月
木犯氐。占曰。有赦令。三年。二月。月入魁。占曰。大臣

辱。又曰。宮中有盜賊。四月。月犯五諸侯東星。占曰。將
相憂。九月。月掩箕。占曰。箕為後宮。亦曰。天雞。主八風。
今月犯之。宜明號令。及後宮政教。亦主大風。十一月
火犯鈞鈴。占曰。大臣有咎。四年。正月。木犯建。占曰。
建六星在南斗東北。天之都宮。主謀議。木犯之。大臣
相譖。宜察臣下之不和者。四月。月掩昴。占曰。胡地有
灾。七月。火犯畢距星。占曰。刑罰用。趙分有冤獄。又主
戰事。十月。火犯月星。占曰。主兵亂。五年。三月。月犯
南斗距。占曰。風雨不時。四月。月掩與鬼。西北星。占曰。鬼
天目也。以視察姦謀。其西北星為金玉之積。今月掩

之寶貨出。紀彗之官災。秦地侯王有憂。七月。木退犯十二諸國代星。占曰。主其地有兵災。十月。土退犯東井距星。占曰。民多疾病。六年。正月。月掩心大星。六月。金犯畢距星。占曰。邊兵動。大將危。屬趙翼之分。宜備河北。七月。月掩心大星。占曰。心大辰。海內之主。宜寅奉天道。崇德以禳之。十月。火退犯五諸侯。占曰。大謀變不成。七年。三月。火犯輿鬼西北星。占曰。有天下有兵喪。忠臣憂。五月。火犯靈臺。占曰。日官有咎。八月。土入鬼。占曰。大臣憂。十一月。金犯罰星。占曰。刑罰有所未中。八年。二月。月犯東井。占曰。為水事。六月。火犯諸王。占曰。宗室諸王有咎。七月。月犯牽牛。占曰。牛多死。將軍有憂。馬暴貴。十二月。火犯軒轅。占曰。後宮有憂。

治平元年。正月。月掩天關。占曰。司關津者有罪。邪臣有欲更變天子法令者。閏五月。木入東井。占曰。暴雨害黍稷。及有川瀆之事。七月。金犯輿鬼。占曰。兵革動。孕婦多損。屬秦分。十月。金入氐。占曰。霜不時。春糴貴。宋分疫。二年。正月。月犯左角。占曰。鄭分兵旱。四月。木犯天鐔。占云。主憫育孤民。憐給衣食之事。七月。火犯鬼鎖。占曰。主兵賊動。秦分災。十月。月犯牽牛中星。

三年。三月。火犯太微西垣上將。占曰。將相有憂。四月。犯右執法。九月。木犯靈臺。占曰。候天文災變者當其咎。十月。犯太微西垣上將。占曰。不利總兵者。

仁宗英宗兩朝。月犯五緯。

天聖三年。正月。丁未。月犯火。五年。七月。己未。犯木。八月。丁亥。犯火。十一月。戊申。掩木。六年。九月。己酉。犯土。

明道元年。九月。戊子。又犯土。

景祐二年。四月。丁巳。掩金。五年。三月。戊申。入太微。犯土。四月。庚寅。犯木。

慶曆元年。八月。庚子。掩土。十月。丙申。犯土。四年。七月。壬午。犯火。六年。三月。丙申。犯木。七月。乙酉。又犯木。

皇祐元年。七月。丙午。又犯木。二年。六月。壬申。犯土。四年。十月。己丑。犯木。

至和二年。五月。庚辰。犯土。十月。己酉。犯木。十二月。辛卯。犯土。光苙相接。甲辰。掩木。三年。三月。丙寅。又掩土。閏三月。癸巳。又掩木。五月。戊子。犯土。

嘉祐二年。四月。庚申。犯火。六月。戊申。犯金。乙卯。犯火。四年。五月。丁酉。犯星。占曰。疆國作難。十月。甲戌。犯火。

十二月庚午。掩火。五年三月甲午。掩火。在井七度半。占曰。憂在宮中。又輔相死。六年閏八月辛丑。犯土。在井十七度。占曰。女主憂。後宮有出者。十一月癸亥。又犯土。占曰。後宮憂。秦分民流。十八年七月壬戌。掩木。在畢五度。十一月辛亥。又掩木。

文獻通考卷之二百八十九

文獻通考卷之二百九十

鄱陽 馬端臨 貴與 著

象緯考

月五星凌犯

神宗哲宗徽宗欽宗四朝月五星凌犯

治平四年正月庚申。月入東井。主風雨。又犯軒轅大星。主歲饑。母后親屬咎罰。五月甲申。月犯左執法。主執法官憂。八月。熒惑犯亢。主民疫。

熙寧元年正月庚辰。鎮退犯上相。主大臣有咎。八月

甲寅熒惑犯天江第二星。主水壞城邑饑民。十月丙戌。歲入氏。主后有喜。亦主赦。二年。正月戊丙月入東井。主風雨。七月辛巳。太白犯輿鬼東南星。主兵。十一月丙子。填犯亢距星。主逆臣有謀。五穀傷。民流亡。三年。二月辛卯。熒惑入天籥。主防姦盜。或火。五月癸巳。熒惑退犯天江。主旱。九月。月掩天關。主有亂。臣更天子法令。或典司關津者有罪。十月戊午。熒惑犯壘壁陣西北星。主兵。四年。正月乙未。月犯天關。主有亂。臣更法令。亦主掌關津者有罪。四月。犯天江。主津梁不通。八月甲子。犯壘壁陣西第一星。主軍兵憂。十

一月丁亥。辰犯罰南一星。宜察獄。五年。正月乙丑。熒惑犯天江東第一星。主大旱。或大水。六月巳酉。太白犯畢距星。主兵起。將有咎。七月癸巳。月犯羽林軍西第一星。主兵出。十一月戊午。熒惑犯外屏西第二星。主民不安。六年。正月甲子。月犯東減西南第二星。主陰謀及民饑。六月癸未。太白犯東上相。主相有咎。亦主兵喪。七月丙寅。太白犯南斗距星。主國有兵事。亦主外國有使來。十月辛巳。月犯外屏西第五星。主人民不安。七年。正月丁未。填犯天江東北第一星。主江河決溢。土功興。六月。月犯天江北星。主邊遠

道路阻塞十一月熒惑犯左執法又入太微垣主大臣有憂 八年正月癸卯月犯司恠北第一星主有恠異事閏四月甲戌太白犯輿鬼西北星主大將憂民多疫七月庚午月犯狗國西南星主三韓鮮卑烏丸獫狁之屬有咎十月戊戌月犯外屏西第三星主民憂 九年正月辛未犯長垣第一星主胡夷兵動六月辛卯歲入東井有軍在外亦有川瀆之事七月丁丑歲犯天罇西星主貧餒闕食十月庚子月犯五諸侯西第四星主將相憂十月乙亥月犯箕東北星主暴風雨四月丙戌熒惑犯輿鬼東北星主魚鹽貴月犯畢距星主多雨四月丁亥歲犯羅堰主糧貴十月甲午月犯心大星主王者憂 八年十月乙酉熒惑犯東咸主人民疾疫旱災六月丙子月犯建第四星主大臣相譖八月甲戌太白犯軒轅軒轅黃帝之神黃龍之體后妃之主士職今太白行犯以所主占之十一月癸卯月犯畢大星主大臣死又主有邊兵若七日有風雨即解之

哲宗元祐元年二月甲戌月犯左執法主大臣有憂又主大臣有免者四月辛丑月犯罰主掌罰者憂八月月犯畢大星主多雨十月丙午月入太微垣犯右

執法。主大臣有憂。將相有免者。二年三月。月犯建
主有兵。又主大臣相譖。五月戊辰。月犯羅堰星。主水
溢。十一月甲戌。月犯罰。主罰贖平。三年七月甲子。
歲星犯天。罇。主給濟貧乏。主二月甲寅。熒惑犯天籥。
主掌管籥官有咎。宜察關鍵。四年三月丁亥。月犯
天江。主河津不通。四月。犯氐。主兵起。將臣有憂。七月
乙亥。犯罰星。主罰贖平。九月辛卯。月入太微垣軌道
吉。五年正月辛巳。月入太微垣。犯內屏。主輔臣有
免者。四月庚寅。月掩畢。為女主有憂。當以赦令除咎。
十月庚子。月犯羽林軍。主大臣有憂。亦主兵將黜。

九月己酉。太白入太微垣。主廷尉丞相御史有出者。
十二月辛卯。月掩輿鬼西北星。主將有咎。或大臣黜。
元豐元年。四月庚申。月入南斗。主大臣辱。女主災。七
月戊戌。熒惑犯天罇西北星。主秦分民饑。十二月壬
戌。太白犯建西第二星。主大臣互譖。毀外國有使至。
二年二月壬戌。熒惑入犯輿鬼東北星。主兵馬出。四
月己卯。月犯日星下。主下不順。宜以赦宥應之。七月
癸未。月犯雲雨東北星。主多雨。十二月庚戌。犯軒轅
太民。主太臣當黜。三年六月癸巳。太白犯畢距第
二星。主邊兵敗。七月丁卯。熒惑入東井。主無兵兵起。

有兵兵罷。十二月癸未。月犯建西第三星。主大臣相
譖。四年。三月壬辰。月入東井。王貴臣死。七月庚戌。
熒惑入氐。主有賊臣。宜宮中慎火。十月壬戌。月犯雲
雨西北星。主多雨水。五年。二月辛酉。月犯水位第
一星。主水流溢。七月乙巳。熒惑入輿鬼。主金玉用有
大赦。秦分沒軍殺將。十月丁巳。月入犯雲雨西南星。
主雨澤成萬物。六年。三月己亥。熒惑犯東上相。主
大臣有咎。六月戊戌。熒惑入犯氐東南星。主慎火。八
月癸未。熒惑犯天江南第二星。主旱。十二月庚辰。月
掩犯畢距第二星。主邊兵動。女主憂。七年。三月壬寅。

六年。三月庚辰。填星犯東井。主水旱不時。四月己亥。
填星入太微。行軌道吉。七年。三月戊戌。月入氐。主
政令行。臣下忠孝。四月癸亥。月犯進賢。宜舉俊賢。搜
遺逸。七月辛未。月犯司恠。主恠異事。十二月壬戌。太
白犯雲雨。主有雨澤。萬物成。八年。正月丙申。月犯
進賢。主進賢之官有憂。六月己酉。太白犯諸王東第
二星。主宗臣憂。七月甲申。月犯心距星。主大臣憂。十
月。月犯外屏。主民人憂。
紹聖元年。二月。月犯斗。主風雨不時。四月丙午。月犯
五諸侯第二星。主大臣憂。八月丙子。月犯箕東北星。

主多風及糴貴。十一月丙午。太白犯咸西南第一星。
主兵。二年正月甲寅。月犯角距星。主大臣誅。有獄
事。五月己酉。犯箕東北星。主多風。又主后憂災。八月。
犯外屏西第一星。主民不安。十一月。犯輿鬼東北星。
主民多疾。三年二月庚辰。太白入昴。主大赦。七月
癸巳。太白入東井。將軍惡之。先起兵者敗。又主有大
水。十一月壬戌。月犯鈞星。主多盜。四年二月己亥。
月犯天門東星。陰陽不調。四月庚子。犯西星。主盜賊
劫掠人民。七月丁巳。熒惑掩犯積薪。主大旱。兵起。十
月癸巳。填犯進賢。主賢者得罪黜免。元符元年。正
月丙辰。填犯進賢。占同上。六月乙未。月犯雲雨。主多
雨澤。七月乙丑。熒惑犯氐。宜警。臣下及脩火禁。十月
甲午。辰入氐。主貴臣暴憂。法官有獄事。二年正月
壬戌。犯天門東星。主陰陽不順。四月丁丑。月犯井東
扇北第三星。主水官有黜。刑政不平。又主風雨。七月
壬子。犯建西第三星。主大臣相譖。十月己未。熒惑犯
進賢。主賢臣退黜。三年正月辛未。熒惑犯氐東南
星。主君憂。又主將相有憂。四月壬寅。熒惑退行。犯亢
南第一星。主亂兵疾疫。九月。太白犯南斗西第二星。
主小人在位。兵革欲興。十二月丙辰。月入氐。主天下

文獻通考卷二百九十一
兵起。徽宗建中靖國元年二月癸卯。月犯軒轅右角太民。主大饑人流。女主有憂。四月乙巳。月犯罰星。主法令曲。八月丁酉。月犯建第二星。主大臣相譖。十月甲辰。熒惑犯平道西第一星。主隱士升。又主天下大亂。

崇寧元年正月己巳。月犯水位西第四星。主水溢流。閏六月庚辰。太白犯進賢。主賢者黜。十月乙丑。月入畢口。主君臣憂兵。二年二月壬戌。熒惑犯昴。主胡人聚中國。匈奴兵起。五月己亥。月犯雲雨東北。主雨不時。八月丙子。太白入氐。主糴貴。十月甲子。熒惑犯亢南第一星。主有亂臣。三年三月癸亥。太白犯昴距星。主胡王死。又主臣有謀。易政令。四月壬子。熒惑犯壘壁陣西第五星。主兵大起。七月戊戌。太白犯積薪。主大旱民流。十一月己丑。月入太微垣。主有姦人在主側。四年三月壬寅。熒惑犯井鉞。主斧鉞用。七月庚辰。太白犯罰。主賞罰失平。十二月。鎮犯建第二星。主臣下相譖。五年正月戊申。月入太微垣。主四夷兵盛。五月辛丑。月入氐。主兵動。八月丁卯。熒惑犯天街南。主邊兵動。十月乙丑。熒惑犯昴東南星。主饑疫。

大觀元年正月丁未。太白犯外屏。主障蔽。四月戊午。太白入井。主政急民流。五月甲午。月犯進賢。主蔽賢。九月己丑。月犯天籥。主關籥不禁。十二月丁未。月犯建。主大臣相譖。二年。二月癸巳。月入太微垣犯內屏。主姦人在國。四月癸巳。月犯壁壘障。主用兵。七月癸酉。熒惑犯司恠。主水旱不時。九月壬申。月入太微垣。主四夷兵盛。三年。二月己丑。月入太微垣。犯內屏。主上下失禮。輔臣免。五月辛亥。太白犯天狗。主陰謀。十二月丙申。歲犯外屏。主障蔽。四年。正月戊申。月犯天街。主邊兵動。六月乙亥。月犯進賢。主賢人退。閏八月丙午。填犯泣。主喪。十月庚寅。太白犯江。主水。政和元年。二月乙卯。月犯南斗。主大臣后妃憂。六月己酉。月入羽林軍。主兵起。七月壬申。月犯狗。主守禦不嚴。二年。六月辛亥。熒惑入井。主先舉兵者將死。九月丁卯。歲犯鬼。主君憂民饑。三年。正月乙亥。熒惑犯太微垣。內屏。主上下失禮。輔臣免。六月戊午。太白入太微垣。犯右執法。凶。九月庚寅。熒惑犯天江。主旱。十月乙丑。月犯鬼。主秦分有兵。四年。十一月庚寅。熒惑犯進賢。主賢人得罪。貶死。五年。正月乙亥。熒惑犯亢。主有亂。臣疾疫。六月壬子。月犯狗。主守禦。

臣憂九月甲申。月犯昴。主匈奴憂。十月丙辰。月入鬼。主君臣憂。六年。閏正月。歲犯亢。主佞臣用。六月辛未。月犯心。大星。主人主憂。七月辛亥。歲犯亢。主臣為亂。十二月癸亥。入氏。主賊臣在內。七年。正月丁酉。熒惑犯鍵閉。宜戒行幸。七月乙未。熒惑犯天江。主旱。十月丙辰。填星犯畢。主兵起西北而不戰。八年。正月丁亥。熒惑犯外屏。主蔽障。六月己巳。月犯雲雨。主雨澤。九月癸亥。熒惑犯進賢。主賢者得罪。十月戊申。熒惑入氏。主宮中火災。

宣和元年。九月。熒惑犯壁陣。主兵作。十一月己未。月

犯鬼。主將軍死。大臣黜。國有憂。三年。正月己酉。月犯畢。主天下有變。令十月庚辰。熒惑犯亢。主有亂。臣民多疾。三年。正月戊申。熒惑犯南斗。主破軍。殺將。暴兵起。十一月丙戌。月犯罰。主刑罰用。四年。三月甲戌。歲犯昴。主北征胡。五年。正月壬戌。月犯畢。主天下有變。令五月甲寅。太白犯鬼。主有兵謀。九月己未。熒惑犯司恠。主水旱不時。十一月太白犯房。主人君將相憂。六年。正月己巳。月入氏。主兵大作。十月丁巳。月犯畢。主天下有變。令。刑急。臣叛。七年。五月壬辰。太白犯畢。主邊兵起。民饑。六月丁巳。月入羽林軍。主兵興。十二月

丙辰月入太微垣。主君弱臣強。四夷兵盛。

欽宗靖康元年。三月庚戌月入太微垣。主君弱臣強。四夷兵盛。五月壬申。太白入鬼。犯積尸氣。主亂臣在內。兵起。大臣將軍誅。七月己卯月入羽林軍。主兵起。十月丙辰月入太微垣。主四夷兵盛。十一月庚午。太白犯亢。主君自將兵二年。二月丁卯月入太微垣。主大國破亡。

神宗哲宗徽宗。欽宗。四朝月犯五緯。

治平四年正月辛亥月犯辰。主上卿憂。八月辛未犯太白。主將二心。癸酉掩歲。主邊兵。九月壬寅犯太白。

主鄭楚分兵。十月戊辰掩填星。主楚分流民。又犯熒惑。主荆楚兵。

熙寧元年。二月丁巳。犯填。主宮女出。楚分流民。四月壬子。犯歲。主楚分兵。或饑。五年。四月癸亥。犯填。占同。閏七月庚申。犯熒惑。主察讒臣。或貴人有咎。六年九月甲辰。掩太白。主燕分兵。十年九月庚午。犯歲。主周分饑。十二月壬辰。犯歲。占同。仍有邊兵。元豐七年。十月甲午。犯辰。主兵校尉有憂。八年八月戊寅。犯鎮。主後宮有出者。十一月戊戌。犯歲。主衛分饑。民流。亦為邊兵。庚子。犯填。主後宮有憂。及民流。

土功興

元祐三年七月庚午犯太白。主秦分兵。十月壬辰犯
歲。四年三月丙子。又犯皆主秦分兵饑。七月辛卯
犯填。十月癸丑掩之。皆主後宮有出者。六年九月癸
卯。犯熒惑。主有兵。十二月甲戌掩歲。主鄭分饑。邊兵
動。八年十二月丁巳。犯熒惑。主有兵戰。小吏憂。
紹聖元年六月甲戌。犯太白。主秦分兵。九月辛酉犯
填。十二月癸未。又犯。皆主後宮。宜崇福。及主民流。
二年正月庚戌。又犯。主周分下陵上。及後宮憂。四月
壬申。又犯。主民流。三年九月戊戌。犯歲。主齊分饑。

有邊兵。四年七月丁丑。犯熒惑。主兵戰。小吏憂。

元符二年八月壬辰。歲十一月辛巳。十二月戊申。又
犯。皆主晉分民流饑。三年六月癸卯。月犯熒惑。主

小吏死。貴人出。大將亡。

建中靖國元年五月辛未。犯填。主下犯上。后灾民流
亡。

崇寧元年七月丁亥。犯太白。主疆侯作難。國戰不勝。
天下民靡散。五年二月戊子。犯熒惑。主兵起。大將
死。貴人出。

大觀二年十二月戊子。犯熒惑。占同。四年七月戊

午。犯歲。主邊兵動。民饑流亡。

政和元年。正月己巳。犯歲。占同。

宣和元年。正月乙卯。犯填。主下犯上。人民流。三年。

八月戊申。犯熒惑。主兵起。小吏死。大將亡。貴人出。

四年。八月庚戌。犯鎮。主下犯上。後宮災。民流亡。七

年。十一月乙酉。犯熒惑。主貴人出。兵起。將亡。

高宗建炎三年。三月乙未。月入氏。占曰。兵動。是夜土

犯亢。占曰。臣有謀。是月苗傅。劉正彥作亂。至秋伏誅。

五月丙午。歲星逆行。犯房。占將相有憂。於是呂頤浩

相杜充降虜。七月辛巳。太白入太微垣。占邪臣伏誅。

次年。張浚奏誅范瓊。癸巳。歲星犯鈞鈴。占曰。王者失

政。近臣起亂。是冬。上將謀航海避狄。禁兵謀作亂。伏

兵誅之。八月癸丑。熒惑入鬼。犯積尸。占賊在君側。又

軍死將亡。於是虜大入浙西。殺人如麻。閏八月丙戌。

太白犯心。占兵興殃在貴人。又主王者惡之。次逼明

堂。纔一舍。上甚懼。壬寅。稍北歸黃道。甲子。熒惑犯太

微垣。西上將為天子所誅。丙寅。熒惑入太微垣。占天

下不安。草澤天文耿靜。言熒惑行當在巳。今超過午

入太微。於法為凶。十一月乙巳。熒惑出太微垣。東左

掖門。巳酉。犯垣。東上相徘徊不去。是歲虜大入江浙。

湖南上航海幸温台。來春始還越。四年正月癸亥。太白犯建星。占大臣相譖。八月辛卯。犯五諸侯。占將相憂。九月趙鼎罷。

紹興元年正月乙亥。熒惑入羽林。占有叛臣起。是春李成叛。二月癸卯。月犯五諸侯西第五星。占將相憂。四月癸酉。月犯權星。占主有逆賊。火災冬。越州火。辛巳。月犯心。占大臣有憂。未幾范宗尹罷相。八月辛未。月復犯心。未幾張浚罷。秦檜相。癸酉。月犯昴。占胡王死。期不出五年。應在四年。吳乞買殂。九月乙巳。月入羽林。占兵起。巳巳。月犯太白。占強國以戰敗。十月。

吳玠大敗兀朮于和尚原。十月丁丑。熒惑犯執法。占大臣憂。庚辰。順行出太微垣東北掖門。十一月辛丑。熒惑犯進賢。占賢者得罪免黜。先是婁寅以言宗社大計。擢監察御史。秦檜惡之。諷言者論而黜之。二年正月丙申。熒惑入氐。占天子失其宮。是月上移躔臨安。二月辛未。月犯五諸侯第四星。占將相有憂。於是呂頤浩與秦檜不咸。檜罷相。五月乙亥。熒惑犯氐。東南星。占將相有憂。又有火災。未幾臨安火。七月甲戌。熒惑犯天江。占曰。大旱。次年旱。三年七月癸亥。月入南斗行魁中。占大臣憂。其後呂頤浩罷。十一月。

丁巳。月犯壘壁陣西第六星。占兵起。是月偽齊引兵寇淮。兀术聚兵寇蜀。吳玠擊却之。辛未。熒惑犯氐。占多火災。於是臨安四有火災。十二月辛未。月犯昴。占胡王死。應恠次年。丙申。月犯鬼。占秦分有兵。次年春。兀术犯大散關。吳玠破之。辛丑。熒惑犯房北第一星。占將相憂。又曰。馬貴。於是吳玠始通西馬。四年。二月壬戌。月犯東諸侯第一星。占將相憂。其秋朱勝非罷。五月辛亥。熒惑犯輿鬼。占有兵謀。斧鉞用。十月丙子。熒惑犯壘壁陣西北。戊戌。又犯第六星。占兵大起。是日上親征。發臨安以殿前司及神武中軍從。十二

月丙戌。月犯昴西北星。占胡王死。天子破匈奴。不出三年。於是金主吳乞買殂。曹代立。五年。二月庚戌。填犯建星太白。四月壬子。歲星犯井鉞。占斧鉞用。十一月己丑。太白犯壘陣。占兵起。甲午。月入井。占亦如之。於是大舉伐劉豫。十二月己卯。熒惑犯天江。占旱。次年旱。五月辛卯。太白犯畢。上謂輔臣曰。金星犯畢。占邊有敗兵。當諭張浚令諸帥戒飾守邊者。雖自有分野。我亦不得不戒也。明年六月。酈瓊殺呂祉。以其軍降劉豫。六月己未。月犯昴。占胡王死。明年粘罕死。十二月辛酉。歲星入鬼。占大臣灾。相黜。於是趙鼎罷。

七年。正月癸亥月逆行入鬼犯積尸。占王者憂國有兵喪。三月壬午亦然。於是徽宗寧德訃至三月辛巳。月犯牛宿西第一星。占臣將黜。又曰。大臣將兵。於是冬張浚罷。趙鼎復相。呂頤浩守建康。四月甲午。熒惑入井。占兵旱。是秋旱。五月丁丑。月犯建星。占大臣相譖。時張浚與趙鼎不叶。上疏毀之。癸酉。月犯牛南星。占下有憂。將軍死。厥應在九年。吳玠薨。十年。岳飛被譖死也。八月丙申。月犯房北第二星。占次相憂。於是張浚以酈瓊叛罷相。俄貶永州。十二月戊午。金入羽林軍。占天子以軍自守。其夜月犯房北第一星。占

將相憂。於是始議講和。九年。正月辛卯。月入東井。其四月癸丑。六月乙亥。八月丙申。十月甲子。十二月己未。皆復犯井。占諸侯貴人死。是歲呂頤浩吳玠李綱相繼薨。二月己巳。月入氐。其四月癸亥。六月戊午。八月癸丑。亦如之。占兵動。於是金人始歸河南陝西。俄復興兵取之。四月癸亥。月犯氐。占天下兵起。六月戊午。復入氐。是歲金人既敗盟。諸將各出師敗之。九月壬戌。月犯天膏。占將死。臣誅。十二月丁巳。復犯天高。次年。趙鼎再貶。岳飛下獄死。十年。正月戊子。木入氐。占有赦。甲辰。留其七月辛未。復入氐。占當有善

令其歲太平年豐。立后有喜。後二年立后吳氏。三月辛卯。月入氐。其六月七月八月十二月皆入氐。同占兵起。是歲兀朮再入寇。諸將進取大捷。十一年十一月乙卯。月入太微垣。占大臣有憂。將相有免者。若期三年。有為天子所誅。於是岳飛下獄死。韓世忠罷丙辰月犯進賢。占賢者得罪。明年胡銓貶。張戒勤。停自此。賢者多貶黜。死不可勝數。十二年。月犯氐井。畢。入太微者相仍。於是張浚罷。劉光世薨。十四年正月庚申。月入畢。掩大星。占陰國有憂。是歲金人伐蒙。不克。乃冊之為帝。十七年五月壬戌。木順行入

東井。占天下有川瀆之事。於是浙西建康。同日大水。九月己卯。金入太微垣。占屬楚地。於是漳州盜起。十九年正月辛丑。火犯亢。占大人多疾。有不臣其年。秦檜始以病告。七月戊申。火星犯南斗。占丞相有事。次年。施全刺秦檜不中。而誅。八月戊午。月入南斗。十月辛未。火順行犯壘壁陣。次年信州建州皆有盜起。二十年七月己卯。月犯角宿距星。占大人憂有獄事。是時連起大獄。八月癸亥。月犯畢宿距星。占胡王死。二十一年十一月戊申。月犯昴星。占胡王死。將軍死。皆為完顏亮將亡之兆。二十二年正月丙辰。月犯

心宿東星。占大臣有憂。是歲八月。韓世忠薨。二十三年。三月戊申。月犯南斗。是歲浙西水。二十四年。六月丙午。月犯羅堰。是秋大水。十月乙未。月掩建星。占大臣相譖。二十九年。正月乙亥。月犯氐距星。占女后後宮灾。是秋顯仁太后崩。二月癸卯。入氐方口內。占兵動。是歲凡四。於是金主亮遷汴謀叛。盟七月辛亥。火星入鬼宿。犯積尸氣。占兵喪旱灾。兵在西北。軍死將亡。次年。逆亮兵五十萬屯宿泗。謀入寇。三十年。正月戊戌。月入氐。占兵動。二月乙丑。亦如之。是歲凡五。六月壬申。金星順行入東井。占先起兵者敗。

將軍犯罪。政急民流。明年虜亮入寇。三十一年。正月甲申。月犯東井。是歲凡七。二月入氐。是歲凡三。皆兵兆也。七月壬辰。金星順行犯角宿距星。占天下大戰。道路不通。三十二年。正月戊寅。歲星退行入太微垣。占軌道吉。又曰。天下喜。或有赦。其年五月乙未。木順行入太微垣。占同。是年孝宗受禪。庚申。月入井。是歲凡八。

孝宗隆興元年。二月己巳。月入東井。是歲凡三。癸卯。月入羽林軍。為兵起。是歲凡三。二年。正月戊子。月入羽林軍。是歲凡八。其冬虜犯淮南。辛亥。熒惑犯房。

宿。占將軍亂。國君將相憂。於是張俊罷。未幾洪适罷。已巳。月犯長垣。其閏十一月戊辰亦如之。占長垣四星。占主邊界城墻以備胡兵。於是金人使來欲割四郡卒與之。

乾道元年。三月辛未。月入羽林軍。是年凡八。二年。六月乙酉。月入斗。八月庚辰亦如之。占女后憂。太子辱。九月庚戌。月犯哭星。主悲位事。十一月戊午。月犯權星。占曰。女后憂明年。皇后夏氏崩。太子愔薨。三年。四月壬申。月犯五諸侯。占將相憂。是年吳璘薨。癸丑。月掩南斗。占大臣太子辱。風雨不時。丁丑。月犯房。占

為將相憂。庚辰。月復入南斗魁。是歲兩浙水旱。其冬葉顯魏杞罷相。四年。二月丁巳。月入羽林軍。是歲凡十。六年。二月丁未。月入羽林。占為兵起。是歲凡三。九年。六月癸亥。火星犯太微垣西扇右執法星。占大臣有憂。十月庚午。木犯太微垣右執法。占將相執法。臣憂。十二月亦如之。明年。虞允文以帥蜀薨于興元。淳熙二年。七月戊子。月犯房宿。占將相執法憂。次年。葉衡貶。四年。七月辛酉。火犯氐宿。占將相憂。明年。龔茂良罷貶。五年。正月壬戌。土星留守諸王星。明年。魏王愷薨。六年。十一月己未。月犯木。占齊

分歲荒民流亡。明年江浙淮西湖北旱。除民賦賑恤之。八年正月己未。月入東井。是歲凡六閏。三月丁未。月入太微垣。是歲凡六。十三年七月甲申。月掩心宿。八月己卯。月掩大星。十四年三月戊午。月行犯心宿距星。占大臣有憂。是冬梁克家薨。四月辛卯。月入羽林軍。是歲凡三五月。月犯心宿大星。又犯中央星。占人主有憂。是年冬高宗上仙。六月庚寅。月行入斗宿內。占大臣太子憂。是冬太子參決辭不許。十月庚辰。火星留守五諸侯。占諸侯貴人死。次年息平郡王璩薨。十五年正月壬子。木星行犯房宿北第

一星。占將相憂。二月己巳。木星留守房宿。占有赦。天下和平。次年光宗受禪。大赦。六月己丑。太陰犯昴。占胡王死。明年正月。金主雍殂。十六年正月辛丑。土星留守氐宿方口內。占守氐有德令。土功興。又云。皇后太子喜歲安。於是二月立后。光宗紹熙元年五月己未。太陰行在斗宿距星西北。占風雨不時。臣將黜死。女后憂。二年八月庚寅。火星入鬼宿。犯積尸。兵在西北。軍將死亡。三年正月己酉。火星入太微垣內留守。占太微十日。在翼軫之宿。北天子之庭。五帝之座。十二諸侯之府。今熒惑入

中留。天子惡之。是時上有疾。久不視朝。四月丁巳。火星犯太微垣右執法星。占有逆賊。宮中不安。八月甲辰。金星行犯權星左角少民星。占女后宗族災。又云。大臣當之。四年。十月丁酉。火星入太微垣內。徘徊內屏者。凡四閱月。占宮中不安。歲饑。又曰。有喪。次年六月。孝宗上仙。十一月己巳。火星犯上相星。占上相有罪。次年留正出。五年。八月壬辰。火星犯房宿。占將相憂。於是羅點卒。次年趙汝愚貶死。十一月。彗戍木犯諸王星。占諸侯宗臣災。

寧宗慶元元年。六月丁卯。金入東井。占先起兵者敗。將軍死。政急。民流。九月丙戌。火入太微垣。占有逆賊。二年。八月乙亥。木犯權星。次年慈福太皇太后崩。三年。二月辛亥。月入畢。占陰國有憂。天子用誅罰急。臣叛。將相災。或邊兵入。四年。三月乙巳。木星入太微垣。犯右執法。六月乙丑。土星犯壁壘陣星。西方第五星。占為兵起。十月戊午。月行入太微垣內。至次年凡四並同。此為四夷姦人來聽伺之象。嘉泰元年。五月丁丑。火星細行不行黃道。為死色。占為變色。有喪。是歲臨安大火。三日乃息。三年。七月戊子。木星行入羽林軍。四年。三月壬申。月犯權星。

占。有。逆。賊。并。火。災。六。月。戊。申。入。羽。林。軍。七。月。丙。子。又。入。羽。林。軍。時。出。師。北。伐。

開禧元年。正月。己卯。火星。留守。五。諸。侯。星。從。西。第。四。星。占。諸。侯。兵。死。是。歲。吳。曦。反。於。蜀。俄。伏。誅。三。月。己。巳。月。入。太。微。垣。四。月。戊。申。月。入。羽。林。軍。二。年。六。月。丙。寅。月。入。羽。林。軍。內。占。為。兵。起。七。月。乙。未。木。星。犯。井。宿。鉞。星。占。為。斧。鉞。用。又。為。亂。兵。起。三。年。二。月。癸。丑。月。犯。五。車。東。南。星。占。兵。起。駕。道。不。通。己。未。火。星。退。留。守。權。星。占。女。后。有。憂。於。是。成。肅。太。皇。太。后。崩。九。月。乙。亥。木。星。順。行。入。鬼。宿。在。積。尸。氣。鑽。星。西。南。占。大。臣。災。又。

犯。鑽。星。兵。喪。王。者。疾。斧。鉞。用。是。冬。侂。冑。誅。斬。蘇。師。旦。嘉。定。元。年。二。月。丙。午。月。犯。昴。占。胡。王。死。次。年。金。人。戕。其。主。允。濟。二。年。二。月。乙。酉。火。星。退。行。犯。太。微。垣。上。相。星。三。月。己。酉。火。星。留。守。太。微。垣。中。占。為。大。臣。有。憂。於。是。五。月。有。羅。日。愿。謀。變。六。月。甲。申。月。行。掩。上。星。是。為。月。蝕。土。星。占。月。犯。土。星。則。其。地。下。犯。上。又。曰。凡。月。蝕。五。星。其。分。有。災。或。三。地。於。是。李。元。礪。反。於。郴。州。連。破。數。縣。十。月。乙。丑。月。犯。掩。食。占。月。食。火。星。其。地。亂。五。年。正。月。丁。巳。月。入。東。井。於。是。火。雨。八。年。正。月。辛。未。月。入。東。井。占。水。旱。不。時。是。夏。大。旱。蝗。九。年。正。月。

丙寅月入東井。於是兩浙江東有水災。十年七月乙酉。金星行犯角。占天下大戰。道路不通。是冬金虜寇四川。明年山東李全來歸。十一年八月己丑。木星留守東井。占為三軍大起。於是金人犯隨棗陽。十二年四月壬申。土退行入氐宿方口內。占天下有兵期不出四年。又曰。將有亡地者。於是金人陷興元。六月庚辰。金星順行入井。占大水。先起兵者敗。將軍犯罪。政急民流。是歲莫簡反於蜀。十三年二月庚寅。木星順行犯鬼。占民饑。人君憂。是歲秋景獻太子薨。十六年正月戊申。木星留守氐宿距星。占歲豐。

后有喜甲寅降生皇子。雜星變。

秦末項羽救鉅鹿。枉矢西流。枉矢所觸。天下之所伐。射滅亡象也。物莫直於矢。今蛇行不能直而枉者。執矢者亦不正。以象項羽執政亂也。羽遂合從。阮秦人屠咸陽。凡枉矢之流。以亂伐亂也。

漢孝文後二年正月壬寅。天攬夕出西南。

歲星之精

占曰。

為兵喪其六年十一月。匈奴入上郡雲中。漢起三軍以衛京師。八月天狗下梁。壑。

孝景三年七月。天狗下。占為破軍殺將。狗又守禦類也。天狗所降。以戒守禦。其年吳楚反攻梁。梁堅城守。

遂伏尸流血其下。中三年六月壬戌。蓬星見西南。在房南。去房可二丈。大如二斗器。色白。癸亥在心東。北。可長丈所。甲子在尾北。可六丈。丁卯在箕北。近漢稍小。且去時大如桃。壬申去。凡十日。占曰。蓬星出必。有亂臣。房心間。天子宫也。是時梁王欲為漢嗣。使人殺漢爭臣。袁盎。漢按誅梁大臣。斧鉞用。梁王恐懼。布車入關。伏斧鉞謝罪。然後得免。

孝昭始元中。蓬星出西方天市東門。行過河鼓。入營室中。梁成恢曰。蓬星出六十日。不出三年。下有亂臣。戮死於市。詳見五星凌犯

元鳳五年。四月。燭星見奎婁間。占曰。有上功。胡人死邊城。和其六年。正月。築遼東玄菟城。二月。度遼將軍范明友擊烏桓還。

王莽地皇四年。王尋王邑圍昆陽。有營頭星墮軍上。詳見雲氣門

漢靈帝熹平二年。四月。有星出文昌。入紫微宮。蛇行有首尾。無身。赤色。有光。炤垣牆。占曰。文昌為上將。貴相。後六年。司徒劉群為中常侍。曹節所譖。下獄死。光和中。國皇星東南角去地一二丈。如炬火狀。十餘日不見。占曰。國皇星為內亂。外內有兵。喪其後。黃巾。

賊張角燒州郡朝廷遣將討平斬首餘萬級。中平六年。宮車晏駕。大將軍何進令司隸校尉袁紹招募兵千餘人。陰跲雒陽城外竊呼并州牧董卓使將兵至京都共誅中官對戰南北宮闕下死者數千人。燔燒宮室。遷都西京。及司徒王允與將軍呂布誅卓。卓部曲將郭汜李儻旋兵攻長安公卿百官吏民戰死者且萬人。天下之亂皆自內發。

晉惠帝永康元年三月。妖星見南方。占曰。妖星出天下大兵將起。是月賈后殺太子趙王倫。尋廢后。殺張裴。又廢帝自立。於是三王並起。迭摠大權。

元康四年九月甲午。枉矢東北行。竟天。六年六月。景午夜有枉矢。自斗魁東南行。按占曰。以亂伐亂。北斗主執殺。出斗魁居中執殺者不直之象也。是後趙王殺張裴。廢賈后。因自篡盜。以至屠滅。以亂伐亂之應也。一曰。氏帥齊萬年及之應也。

光熙元年五月。枉矢西南流。時司馬越西破河間。兵奉迎大駕。尋收繆胤。何綏等肆無君之心。天下惡之。及死而石勒焚其屍。柩是其應也。

元帝大興三年。四月壬辰。枉矢出虛危。沒翼軫。占曰。枉矢所觸天下之所伐。翼軫荊州之分野。太寧二年。

王敦殺譙王承及甘草而敦又泉夷。是其應也。

穆帝升平二年。十二月枉矢自東南流于西北。其長半天。四年。十月庚戌。天狗見西南。占曰。有大兵流血。孝武太元二十年。九月。有蓬星如粉絮。東行南。歷女虛。至哭星。占曰。蓬星見。不出三年。必有亂臣。戮死於市。時王國寶交構朝廷。二十一年。帝崩。安帝隆安四年。王恭等興兵。朝廷殺國寶。

梁武帝普通元年。九月乙亥。有星晨見東方。光爛如火。占曰。國皇見有內難。有急兵反叛。其三年。義州刺史文僧朗以州叛。

陳後主至德元年。正月壬戌。蓬星見。占曰。必有亡國亂臣。後帝於太皇寺。捨身作奴。以祈冥福。不恤國政。用施文慶等。以至亡國。

隋文帝仁壽四年。六月庚午。有星入于月中。占曰。有大喪。有大兵。亡國破軍。殺將。七月。帝崩。

煬帝大業十二年。九月戊午。有枉矢出北斗魁。委曲蛇形。注于南斗。占曰。主以兵去天之所伐。亦曰。以亂伐亂。後二年。宇文化及弑帝。僭號。

唐武后光宅元年。九月二十九。有星如半月。見西方。肅宗上元元年。閏四月二十一日。妖星見于西方。長。

數丈。至五月滅。

昭宗乾寧元年。七月。妖星見。非彗非孛。不知其名。時人謂之妖星。或曰惡星。

天復元年。五月。有三赤星。各有鋒芒。在南方。既而西方北方東方亦如之。頃之。又各增一星。凡一十六星。少時。先從北滅。占曰。濛星也。見則諸侯兵相攻。已夕。有星當箕下。如炬火。炎炎上衝人。初以為燒火也。高丈餘。乃隕。占曰。機星也。天下有亂。

天祐元年。四月。有星狀如人首。赤身黑。在北斗下。紫微中。占曰。天衝也。天衝抱極。泣帝前。血濁霧下。天下

寃後三日。而黑風晦暝。二年四月庚子夕。西北隅有星類太白。上有光似彗。長三四丈。色如赭。辛丑夕。色如縞。或曰。五車之水星也。一曰。昭明星也。三年十二月。昏東方有星如太白。自地徐上行。極緩。至中天。如上弦月。乃曲行。頃分之為二。占曰。有大孽。後唐明宗天成元年。三月。惡星入天庫。流星犯天棓。宋高宗紹興三十一年。六月己巳。北斗天權星東北有一小星。出光似彗。太史指以為含譽。非也。

孝宗淳熙十四年。五月。有星出濁際。大與日等。入時與日相摩蕩。高宗在德壽宮。登臺見之。召能天文者。

脩武郎王道問之道。跪奏曰。是謂蓬星。見則有兵。然分非中國夷狄應之耳。出語所親曰。非兵也。喪爾。某不敢言。是冬高宗不豫。遂上仙。於是金人亦有大喪。虜亦應天道云。

按雜星變者。出於五緯。彗孛客星之外。前史間載之。至宋天文志。則失於紀錄。而所書流星最多。往往錯見於流星條下矣。獨中興志有此二則。故載之於此。而餘則見流星門云。

文獻通考卷之二百九十卷終

文獻通考卷之二百九十一

鄱陽 馬端臨 貴與 著

象緯考

流星星隕

星搖

春秋魯莊公七年。夏四月辛卯。夜恒星不見。

恒常也。謂常見。

之星。辛卯四月五日。月光先尚微。蓋時無雲。日光不以昏沒。

夜明也。夜中星隕如

雨。

如而也。夜半乃有雲。星落而且雨。其數多。皆記異也。如日光不匿。恒星不見。而云夜中者。以水漏知之。

與雨偕也。

偕俱也。

公羊傳。恒星者何。列星也。列星不見。

則何以知夜之中星反也。

反者。星復其位。如雨者。何非雨也。

非雨則曷為

謂如。如雨。不脩春秋曰。雨星不及地尺而

復古不備春秋謂史記言春秋君子脩之曰星實如雨狀明似

兩耳不當言雨星不言尺者何以書記異也穀梁傳

恒星者經星也經常也謂日入至於星出謂之昔不

見者可以見也夜中星隕如雨如而也星既殞而復

反其隕也如雨是夜中與夜中乎與雨必晦冥安知

春秋著以傳著疑以傳疑傳真專反中之幾也而曰

夜中著焉耳幾微也星既隕而雨中微難知而日夜

何用見其中也失變而錄其時則夜中矣始而錄其

已隕之時檢錄其不曰恒星之隕何也我知恒星之

不見而不知其隕也我見其隕而接於地者則是雨

說也言我見從上來接於下然後可以言雨星今唯

付反著於上見於下謂之雨著於下不見於上謂之

隕豈雨說哉解經不得言兩星而言隕星也鄭君曰

天子禮義法度也劉向曰隕者象諸侯隕隊失其

僖公十六年春王正月戊申朔隕石于宋五隕落也

視之石數之五各隨其聞見先後而記之莊七年星

隕如雨見星之隕而隊於四遠若山若水不見在地

始隕之星則見在地之隕而書之不見隕星也但言言則嫌

重言秦始皇三十六年熒惑守心有墜星下東郡至地為

石或刻其石曰始皇死而地分始皇聞之遣御史遂

問莫服。盡取石旁人誅之。燔其石。

漢惠帝三年。隕石緜諸。一絲諸道也。屬天水郡。

孝武帝元光中。天星盡搖。上以問候星者。對曰。星搖者。民勞也。後伐四夷。百姓勞於兵革。

武帝征和四年。二月丁酉。隕石雍二。天晏無雲。聲聞

四百里。雍扶風縣。晏天也。

昭帝始元中。流星下燕。萬載宮極東去。李奇曰。極屋梁也。或極棟

也。三輔間名棟為極。尋棟東去也。延篤謂之堂前闌楯也。法曰。國恐有誅。詳見五

門犯元平元年。二月甲申。晨有大星如月。有眾星隨而

西行。乙酉。祥雲如狗。赤色長尾三枚。夾漢西行。大星

如月。大臣之象。眾星隨之。眾皆隨從之象也。天文以

東行為順。西行為逆。此大臣欲行權以安社稷。占曰。

太白散為天狗。為卒起。卒起見禍無時。臣運柄祥雲

為亂。君到其四月。昌邑王賀行淫辟。立二十七日。大

將軍霍光。白皇太后廢賀。三月丙戌。流星出翼軫

東北。干太微入微宮。始出小旦。入大有光。入有頃聲

如雷。三鳴止。占曰。流星入紫宮。天下大凶。四月癸未。

宮車晏駕。

元帝建昭元年。正月戊辰。隕石梁國六

成帝建始元年。九月戊子。有流星出文昌。色白光燭

地長可四丈。大一圍。動搖如龍蛇形。有頃長五六丈。大四圍。所詘折委曲貫紫宮西。在斗西北子亥間。後詘如環北方不合。留一刻許。占曰。文昌為上將貴相。時帝舅王鳳為大將軍。其後宣帝子王商為丞相。皆貴重任政。鳳妬商譖罷。商自殺。親屬皆廢黜。四年正月癸卯。隕石藁四肥累一。皆縣名屬真定陽朔三年二月壬戌。隕石白馬八。東都之縣名四年閏月庚午。飛星大如走。出西南入斗。下占曰。漢使匈奴。明年單于死。漢遣使往吊。鴻嘉二年五月癸未。隕石杜衍三。南陽之縣永始二年二月癸未。夜過中星。隕如雨。長一

二丈。繹繹未至地滅。師古曰繹繹光采貌至鷄鳴止。谷永對曰。

日月星辰燭臨下土。其有石隕之異。則遐邇幽隱靡不咸睹。星辰附離于天。猶庶民附離者也。王者失道

綱紀廢頓。下將將叛去。故星叛天而隕。以見其象。春秋記異。星隕最大。自魯嚴以來。至今再見。臣聞三伐

所以喪亡者。皆繇婦人羣小。湛酒於酒。湛讀曰沈。又耽其下亦同書云。乃用婦人之言。四方之逋逃。多罪是信。是使師古

曰周書泰誓也。言紂惑於妲已而昵近亡逃罪人信用之詩曰。赫赫宗周。褒姒威之。師古曰。解於上威許悅反顛覆厥德。荒沈子酒。師古曰。大

雅折也。荒廢政事而耽酒及秦所以二世而亡者。養生

大奢。奉終大厚。方今國家兼而有之。社稷宗廟之大憂也。京房易傳曰。君不任賢。厥妖天雨星。元延元年。三月。隕石都關一。山陽縣名四月丁酉。日鋪時天暝晏。殷殷如雷聲。有流星頭大如缶。長十餘丈。皎然赤白色。從日東南去。四面或大如孟。或如鷄子。耀耀如雨下。至昏止。郡國皆言星隕。春秋星隕如雨。為王者失勢。諸侯起伯之異也。其後王莽遂專國柄。王氏之興。萌於成帝時。是以有星隕之變。後莽遂篡國。綏和元年。正月辛未。有流星從東南入北斗。長數十丈。二刻所息。占曰。大臣有繫者。其年十一月庚子。定陵侯

淳于長。坐執左道。下獄死。

哀帝建平元年。正月丁未。隕石北地十。其九月甲辰。

隕石虞二。

梁國縣名

平帝元始二年。六月。隕石鉅鹿二。自惠盡平隕石。

凡十一。皆有光耀雷聲。成哀尤屢。

光武建武十年。三月癸卯。流星如月。從大微出入北斗魁第六星。色白。旁有小星。射者十餘枚。滅則有聲。

如雷。食頃止。

孟康曰。流星光跡相連也。絕跡而去。為飛也。

流星為貴使星。

大者使大。星小者使小。太微天子廷北斗魁主殺星。從太微出抵北斗魁。是天子大使將出。有所伐殺。今古

註曰正月壬戌月犯心後星閏月庚辰火入與鬼過軫北庚申月在斗赤如丹者也十二月已

亥大流星如缶出柳西南行入軫且滅時分為十餘如遺火狀。須更有聲隱隱如雷。柳為周軫為秦蜀大流星出柳入軫者。是大使從周入蜀。是時光武帝使大司馬吳漢發南陽卒三萬人乘船泝江而上擊蜀。十二年十一月丁丑敗公孫述兵殺述。明日漢入屠蜀城。誅述大將公孫晃延岑等。所殺數萬人。夷滅述妻宗族萬餘人以上。是大將出伐殺之應也。其小星射者及如遺券為十餘。皆小將相隨之象。有聲如雷隱隱者。兵將怒之徵也。

十二年正月古今註曰丁丑已未。小星流百枚以上。

或西北或正北或東北。一夜止。古今註曰二月辛亥月入氏暈珥圍角亢

房六月戊寅晨。小流星百枚以上四面行。小星者庶

民之類。流行者移徙之象也。或西北或東北或四面行。皆小民流移之徵。是時西討公孫述。北征盧芳。匈奴助芳侵邊。漢騎將軍馬武。騎都尉劉納。閭興軍下曲陽。臨平呼沱以備胡。匈奴入河東。中國未安。米穀荒貴。民或流散。後三年。吳漢馬武。又徙鴈門。伐郡上谷關。西縣吏民六萬餘口。置常關居庸關以東。以避胡寇。是小民流移之應。十月丁卯。大星流有光發

東井西行。聲隆隆郝萌占曰。流星出東井。所之國水。中元二年。十月戊子。大流星從西南東北行。聲如雷。流星為使。中郎將竇固。揚虛侯馬武等。將兵西征也。孝明永平元年。四月丁酉。流星大如斗。起天市樓西南行。光照地。流星為外兵。西南行為西南夷。是時益州發兵擊姑復蠻夷。大年替陵斬首詣洛陽。七年。流星大如杯。從織女西行。光照地。織女天之真女。流星出之。女主憂。其月癸卯。光烈皇后崩。孝章建初元年。二月甲寅。流星過紫宮中。長數丈。散為三滅。為大人忌。後四年。明德皇后崩。六年。七月

丁酉。夜有流星起軒轅。大如拳。歷文昌。餘氣正白。向西如文昌。久久乃滅。

孝和永元元年。正月辛卯。有流星起參。長四丈。古今注曰

大如拳起有光色黃白。古今註曰癸亥鎮在參。又有參東向有光色黃白。流星大如挑色赤起太微東參石氏曰鎮守。二月。流星起天棓。東北行三丈。所滅

色青色。壬申夜。有流星起太微東。蕃長三丈。三月。古今

注曰戊子。丙辰。流星起天津。古今注曰星大如挑。起

土在參光。壬戌。有流星起天將軍。東北行。古今註曰參為邊

兵。天棓為兵。大微天。廷天津為水。天將軍為兵。梳星起之。皆為兵。其六月。漢遣車騎將軍竇憲執金吾。耿

秉與度遼將軍鄧鴻出朔方並進兵臨私渠北鞬海
斬虜首萬餘級獲生口牛馬羊百萬頭曰遂王等八

十一部降凡三十餘萬人追單于至西海是歲七月
又雨水漂人民是其應也二年二月丁酉有流星

大如挑起紫宮東蕃西北行五丈稍滅古今註曰三月甲子火在

亢南端門第一星南乙亥金在東井四月丙辰有流星大如瓜起文昌

東北西南行至少微西滅有頃音如雷聲已而金在

軒轅大星東北二尺所古今註曰丁丑火在氏東南星東南八月丁未

有流星如鷄子起太微西東南行四丈所消十月癸

未。有流星大如挑起天津西行六丈所消十一月辛

酉。有流星大如拳起紫宮西行到胃消三年九月丁

卯。有流星大如鷄子起紫宮西南至北斗柄間消尾

宮占曰有流星出紫宮天子使也色赤言兵色白言義色黃言蟲色青言憂色黑言水出皆以所之野命

東西紫宮天子宮文昌少微為貴臣天津為水北斗

主殺流星起歷紫宮文昌少微天津文昌為天子使

出有兵誅也竇憲為大將軍與其弟篤景女弟壻郭

舉等坐謀不軌伏誅六年六月己丑流星大如挑

起參北西至參尾南稍有光七年正月丁未有流

星起天津入紫宮中滅色青黃有光八年九月辛

丑夜有流星大如拳起婁十一年五月丙午流星

大如瓜。起氐西南行。稍有光白色。古今註曰六月占庚辰月入畢中

曰。流星白為有使客。大為大使。小亦小使。疾期疾遲

亦遲。大如瓜為近小。行稍有光為遲也。又正王日邊

方有受王令者也。明年二月。蜀郡旄牛徼外夷白狼

撲薄種王唐縉等。率種人口十七萬歸義內屬。賜命

印紫綬錢帛。十四年十一月丁丑。有流星大如拳。

起北斗魁中。北至閣道。稍有光色赤黃。須臾西北有

雷聲。十六年十月辛亥。流星起鈞陳。北行三丈。有

光色黃。元興元年二月庚辰。有流星起角亢五丈

所。四月辛亥。有流星起斗東。北行到須女。七月己巳。

有流星起天市五丈。所光色赤。閏月辛亥。水金俱在

氐。巫咸曰辰星守氐多水灾海中占曰天下大哭流星

起斗東。北行至須女。須女。燕地。天市為外軍。水金會

為兵誅。其年遼東貊人反。鈔六縣。發上谷漁陽右北

平遼西烏桓討之。

塲帝延平元年九月。隕石陳留四。傳曰。隕星也。董仲

舒以為從高反下之象。或以為庶人惟星。隕民困之

象也。

順帝永和三年二月辛丑。有流星大如斗。從西北東

行。長八九尺。色黃赤。有聲隆隆如雷。

桓帝延熹七年。二月癸亥。隕石右扶風。一。鄜又隕石二。皆有聲如雷。

靈帝光和元年。四月癸丑。流星犯軒轅第二星。東北行入北斗魁中。流星為貴使。軒轅為內宮。北斗土殺。是天子大使將出。有伐殺也。至中平元年。黃巾賊起。上遣中郎將皇甫嵩等征之。斬首十餘萬級。

中平中。夏。流星赤如火。長三丈。起河鼓入天市。抵觸宦者。星色白長三丈。後尾冉屈。食頃乃滅。狀似枉矢。占曰。枉矢流發其宮射。所謂矢當直而枉者。操矢者邪枉人也。六年。大將軍何進謀盡誅中官。中官覺於

省中殺進。俱兩破滅。天下遂大壞亂。

蜀後主建興十三年。諸葛亮率大衆伐魏。屯于渭南。有長星赤而芒角。自東北西南流。投亮營。三投再還。往大還小。占曰。兩軍相當。有大流星來走軍上。反墜軍中者。皆破敗之徵也。九月。亮卒于軍。焚營而退。群帥交怒。多誅殘。

魏明帝景初二年。宣帝圍公孫文懿於襄平。八月。景寅夜有大流星長數十丈。白色有芒鬣。從首山東北。流墜襄平城東南。占曰。圍城而有流星來走城上。及墜城中者破。又曰。星墜當其下有戰場。又曰。凡星所

墜國易姓。九月文懿突圍走。至星墜所被斬。屠城坑其衆。

元帝景元四年。六。有大流星二。並如斗。見西方。分流南北。光炤地。隆隆有聲。按占流星為貴。使星大者使大。是年鍾鄧剋蜀二星。蓋二帥之象。二帥相背。又分流南北之應。鍾會既叛。三軍憤怒。隆隆有聲。兵將怒之徵也。

晉武帝泰始四年。七月。星隕如雨。皆西流。占曰。星隕為百姓叛。西流。吳人歸晉之象也。二年。吳夏口督孫秀率部曲二千餘人來降。太康九年。八月壬子。星

隕如雨。劉向傳言下去其上之象。後三年帝崩。而惠帝立。天下自此亂矣。

惠帝太安二年十一月辛巳。有星書隕中天。北下。光變白。有聲如雷。按占曰。營首營首所在下有兵流血。明年。劉石攻略并州。多所殘滅。王浚起燕代。引鮮卑攻掠鄴中。百姓塗地。有聲如雷。怒之象也。永興元年。七月乙丑。星隕有聲。二年十月。星又隕有聲。占同上。是後遂云中夏。

懷帝永嘉元年。九月辛卯。有大星如日。自西南流于東北。小者如斗。相隨。天盡赤。聲如雷。占曰。流星為貴。

使星大者使大。是年五月，汲彘殺東燕王騰，遂據河北。十一月，始遣和郁為征北將軍，鎮鄴西。田甄等大破汲彘，斬于樂陵。於是以甄為汲郡太守，弟蘭鉅鹿太守。小星相隨者，小將副帥之象也。司馬越忿魏郡以東平原以南，皆黨於桑，以賞甄等。於是侵掠桑地，有聲如雷，忿怒之象也。十二月丁亥，星流震散。按劉向說，天官列宿在位之象，其衆小星無名者，衆庶之類。此百官衆庶將流散之象也。是後天下大亂，百官萬姓流移轉死矣。四年十月庚子，火星西北墜，有聲尋而帝蒙塵于平陽。

元帝永昌元年七月甲午，有流星大如瓮，長百餘丈，青赤色，從西方來，尾分為百餘岐，或散時王敦亂，百姓流亡之應也。

成帝咸康三年六月辛未，流星大如二斗，魁色青赤，光耀地，出奎中，沒婁北。按占為饑，五穀不藏。是月大旱饑。

六年二月庚午朔，有流星大如缶，光耀地，出天市西北，入太微。占曰：大人當之。八年六月，成帝崩。

穆帝永和八年六月辛巳，日未入，有流星大如三斗，魁從辰巳上東南行，晷度推之，在箕斗之間，蓋燕分。

也。按占為營首。營首之下流血滂沱。是時慕容雋僭稱大燕。攻伐無已。

十年四月癸未。流星大如斗。色赤黃。出織女沒造父。有聲如雷。占曰。燕齊有兵。百姓流亡。其年十二月。慕容雋遂據臨漳。盡有幽并青冀之地。緣河諸將奔敗。河津隔絕。慕容恪攻齊。

海西公大和四年十月壬申。有大流星西下。有聲如雷。明年遣使免袁真為庶人。桓溫征壽春。真病死。息瑾代立。求救於符堅。溫破符堅軍。六月。壽春城陷。孝武太元六年十月乙卯。有奔星東南經翼軫。聲如

雷。占曰。楚地有兵。軍破百姓流亡。十二月。符堅荊州刺史梁成。襄陽太守閻震率眾伐竟陵。桓石虔擊大破之。生擒震。斬首七千。獲生口萬人。聲如雷。將帥怒之象也。

十三年閏月戊辰。天狗東北下有聲。占曰。有大戰流血。自是後慕容垂翟遼姚萇符登慕容永。並阻兵爭強。十四年正月。彭城妖賊。又稱偽號於皇丘。劉牢之破滅之。三月。張道破合鄉太山。向欽之擊破之。

安帝隆安五年三月甲寅。流星赤色。眾多西行。經牽牛虛危天津閣道貫太微紫宮。占曰。星庶人類眾多。

西行。衆將西流之象。經天子庭。主弱臣強。諸侯兵不制。其年五月。孫恩侵吳郡。殺內史。六月。至京口。於是內外戒嚴。營陣屯守。劉裕追破之。元興元年。七月。大饑。人相食。浙江以東。流亡十六七。吳郡吳興戶口減半。又流奔而西者萬計。十月。桓玄遣將擊劉軌。破走之。軌奔青州。

石勒末年。星隕于鄴東北六十里。初赤黑。黃雲如幕。長數十丈。交錯如雷震。聲墜地。氣熱如火。塵起連天。時有畊者往視之。土猶然沸。見一石方尺餘。青色。而輕擊之聲如磬。未幾石勒死。虎殺其子而

自立

宋文帝元嘉十年。十二月。有流星大如甕。尾長二十餘丈。

梁武帝天監十年。九月丙申。天西北隆隆有聲。赤氣下至地。占曰。天狗也。所往之鄉有流血。其君失地。其年十二月。馬仙琕大破魏軍。斬馘十餘萬。克復昫山城。中大通四年。七月甲辰。星隕如雨。占曰。星隕陰失其位。災害之象萌也。星隕如雨。人民叛下。有專討大人憂其後。侯景校亂以憂崩。人衆奔散。皆其應也。太清三年。有流星長三十丈。墮武軍。

元帝成聖元年十二月。星隕吳郡。三年十一月。周人圍江陵。有流星墜城中。

陳文帝天嘉六年三月丁卯日入後。衆星未見。有流星白色大如斗。從太微間南行。尾長尺餘。占曰。有兵與喪。明年帝崩。少帝廢。

後魏道武帝登國四年三月丁未。有大流星東南行。尾屬地六七丈。有聲。九年。有星墜於河北。聲如雷。

震。光明燭天地。

文成帝興安元年五月辛亥。流星大如五斗許。西南為六七段。有聲。

獻文帝大安元年十一月乙酉。有流星照地。啾啾有聲。

孝靜帝武定四年九月丁未。高祖圍玉壁城。有星墜於營。衆驢皆鳴。占曰。破軍殺將。高祖不豫。次年崩。

周武帝天和三年二月庚午。有流星大如斗。出在攝提。流至天津。滅有聲如雷。

建德六年十二月癸丑。流星大如月。西流有聲。蛇行屈曲。光炤地。占曰。兵大起。下有戰場。戊辰。平旦有流星大如三斗器。色赤。出紫宮。疑着天。乃北下。占曰。人主去其宮殿。是月營州刺史高寶寧反。其明年帝摠

我北伐。後年帝崩。

宣帝大成元年。六月丁卯。有流星大如鷄子。出氏中。西北流。有尾迹長一丈所。八月中即滅。占曰。不出三年。人主憂。又曰。有亡國。靜帝幽閉之應。己丑。有流星一大如斗。色青。有光明照地。出營室。抵壁入濁。二年。四月乙丑。有星大如斗。出天厨。流入紫宮。抵鉤陳。乃滅。占曰。有大喪。兵大起。將軍戮。又曰。臣犯上。主有憂。其五月帝崩。隋公執國政。大喪。臣犯主之應。趙王越王以謀執政被誅。又荆豫襄三州諸蠻反。尉迴王謙司馬消難各舉兵畔。不從執政。終以敗亡。皆天兵

起將軍戮之應也。五月甲辰。有流星一。大如三斗器。出太微。端門流入翼。色青白。光明照地。聲若風吹。幡旗。占曰。有立王。若徙王。又曰。國失君。其月己酉。帝崩。劉昉矯制。以隨公受遺詔輔政。終受天命。立王徙王。失君之應也。七月壬子。歲星太白合於張。有流星大如斗。出五車。東北流。光明燭地。

隋文帝開皇元年。十一月己巳。有流星聲如墮墻。光燭地。占曰。流星有光。有聲。名曰天保。所墜國有喜。其九年平陳。天下一統。五年。八月戊申。有流星數百。四散而下。占曰。小星四面流行者。庶人流移之象。其

九年平陳江南士人悉播遷京師。十九年十二月乙未。星竇於勃海。占曰。王失其位。災害之前也。又曰。大人憂。

煬帝大業十一年十二月戊寅。大流星如斛。墜賊盧明月營。破其衝。斃十餘人。占曰。奔星所墜。破軍殺將。其年王克擊盧明月城破之。十二年五月癸巳。大流星墜于吳郡。為石。占曰。有亡國。有死王。有大戰。破軍殺將。其後大軍破逆賊劉元進于吳郡。八月壬子。有大流星如斗。出王良閣。道聲如墮墻。癸丑。大流星如甕。出羽林。十三年五月辛亥。大流星如甕。墜

於江都。占曰。其下有兵戰流血。破軍殺將。明年帝遇弒。

唐高祖武德三年十月己未。有星墜於東都。隱隱有聲。

太宗貞觀二年。天狗墜于夏州城中。十四八月有星墜于高昌城中。十六年六月甲辰。西方有流星如月。西南行三丈。乃滅。占曰。星甚大者。為人主。十八年五月。流星出東。聲如雷。占曰。聲雷者。怒象。十九年四月己酉。有流星向北。杓而滅。永徽三年十月。有流星貫北極。四年十月十日。女子陳

石真反。婺州刺史崔義玄討之。有星隕于賊營。乾封元年。正月癸酉。有星出太微。東流有聲如雷。咸亨元年。十一月。西方有流星聲如雷。調露元年。十一月戊寅。流星入北斗魁中。乙巳。流星燭地有光。使星也。

神龍三年。三月丙辰。有流星聲如頽墻。光燭天地。

景龍二年。二月癸未。有大星隕于西南。聲如雷。野雉皆雊。

景雲元年。八月己未。有流星出五車。至上台滅。九

月甲申。有流星出中台。至相滅。太極元年。正月辛

卯。有流星出太微。至相滅。

延和元年。六月。幽州都督孫佺討奚契丹。出師之夕。有大星隕於營中。

開元二年。五月乙卯晦。有星西北流。或如甕。或如斗。貫北極。小者不可勝數。天星盡搖。至曙乃止。占曰。星民象。流者。失其所也。漢書曰。星搖者民勞。十二年。十月壬辰。流星大如桃。色赤黃。有光燭地。占曰。色赤為將軍使。天寶三載。閏二月辛亥。有星如月墜于東南。墜後有聲。

至德二載。賊將武令珣圍南陽。四月甲辰。夜中有大

星赤黃色。長數十丈。光燭地。墜賊營中。十一月壬戌。有流星大如斗。東北流長數丈。蛇行屈曲。有碎光迸出。占曰。是謂枉矢。

廣德二年。六月丁卯。有妖星墜于汾州。十二月丙寅。自乙夜至曙。星流如雨。大曆二年。九月乙丑。晝有星如一斗器。色黃。有尾長六丈餘。出南方。沒于東北。東北于中國。則幽州分也。三年。九月乙亥。有星大如斗。北流。有光燭地。占為貴使。六年。九月甲辰。有星西流。大如一斗器。光燭地。有尾迸光如珠。長五丈。出婺女入天市南垣。滅。八年。六月戊辰。有流星

大如一升。

器有尾長丈餘入太微十二月壬申有流星大如一升器有尾長二丈餘出紫微入

濁。十年。三月戊戌。有流星出于西方。如二升器。有尾長二丈入濁。十二年。二月辛亥。有流星如桃。尾長十丈。出匏瓜入太微。

建中四年。八月庚申。有星墜于京師。興元元年。六月戊午。星或什或伍而墮。貞元三年。閏五月戊寅。枉矢墜于虛危。十四年。閏五月辛亥。有星墜于東北。光燭如晝。聲如雷。

元和二年。十二月己巳。西北有流星亘天。尾散如珠。占曰。有貴使。四年。八月丁丑。西北有大星東南流。

聲如雷鼓。六年三月戊戌日晡天陰寒有流星大如一斛器墜于兗鄆間聲震數百里野雉皆雊所墜之上有赤氣如立蛇長丈餘至夕乃滅時占者以為日在戌魯分也不及十年其野主殺而地分九月正月有大星如半席自下而升有光燭地郡小星隨之四月辛巳有大流星尾迹長五丈餘光燭地至右攝提西滅十二年九月己亥甲夜有流星起中天首如甕尾如二百斛舡長十餘丈聲如郡鴨飛明若火炬過月下西流須臾有聲龍龍墜地有大聲如壞屋者三在陳蔡間十四年五月己亥有大流星出

北斗魁長二丈餘南抵軒轅而滅占曰有赦赦視星之大小十五年七月癸亥有大星出鉤陳南流至婁滅

長慶元年正月丙辰有大星出狼星北色赤有尾迹長三丈餘光燭地東北流至七星南滅四月有大星墜于吳聲如飛羽七月乙巳有大流星出參西北色黃有尾迹長六七丈光燭地至羽林滅八月辛巳東北方有大星自雲中出色白光燭地前銳後大長二丈餘西北流入雲中滅二年四月辛亥有流星出天市光燭地隱隱有聲至即位滅市者小人所聚

郎在天建中主宿衛。六月丁酉。有小星隕于房心間。閏十一月丙申。有流星大如斗。抵中台上星。三年。八月丁酉夜。有大流星如數斗器。起西北經奎婁東南流去。月甚近。迸光散落。墜地有聲。四年。四月。紫微中星隕者衆。七月乙卯。有大流星出天舡。犯斗魁。樞星而滅。占曰。有舟楫事。丙子。有大流星出天將軍東北入濁。

寶曆元年。正月乙卯。有流星出北斗樞。星光燭地入濁。占曰。有赦。二年。五月癸巳。西北有流星長三丈餘。光燭地入天市中。滅。占為有誅。七月丙戌。日初入。

東南有流星向南滅。以晷度推之。在箕斗間。八月丙申。有大流星出王良。長四丈餘。至北斗杓滅。王良。奉車御官也。

大和四年。六月辛未。自昏至戊夜。流星或大或小。觀者不能數。占曰。民失其所。王者失道。綱紀廢則然。又曰。星在野象物。在朝象官。七年。六月戊子。自昏及曙。四方流星。大小縱橫百餘。八年。六月辛巳。夜中有流星出河鼓。赤色有尾迹。光燭地迸如散珠。北行近天。楛滅有聲如雷。河鼓為將軍。天楛者。帝之武備。九年。六月丁酉。自昏至丁夜。流星二十餘。縱橫出沒。

多近天漢。開成二年。九月丁酉。有星大如斗。長五丈。自室壁西北。流入大角下。沒行類枉天。中天有聲。小星數百隨之。十一月丁丑。有大星隕于興元府署寢室之上。光燭庭宇。三年。五月乙丑。有大星出于柳張尾。長五丈餘。再出再沒。四年。二月乙亥。丁夜至戊夜。四方中天。星流大小凡二百餘。並西流。有尾迹。長二丈至五丈。八月辛未。流星出羽林。有尾迹長八丈餘。有聲如雷。羽林。天軍也。十二月壬申。蚩尤旗見。會昌元年。六月戊辰。自昏至戊夜。小星數十。縱橫流散。占曰。小星。民象。七月庚午。北方有星光燭地。

東北流。經王良。有聲如雷。十一月壬寅。有大星東北流光燭地。有聲如雷。四年。八月丙午。有大星如炬。火光燭天地。自奎婁掃北方七宿而隕。六年。二月辛丑。夜中有流星。赤色如桃。光燭地。有尾迹。貫紫微入濁。

咸通六年。七月乙酉。甲夜有大流星。長數丈。光燦如電。群小星隨之。自南徂北。其象南方。有以衆叛而之北也。九年。十一月丁酉。有星出如匹練。亘空化為雲而沒。在楚分。是謂長庚。見則兵起。十三年春。有二星從天際而上。相從至中天。狀如旌旗。乃隕。九月。

蚩尤旗見

乾符二年冬。有二星。一赤一白。大如斗。相隨東南流。燭地如月。漸大。光芒猛怒。三年。晝有星如炬火。大如五升器。出東北徐行。隕于西北。四年。七月。有大流星如盂。自虛危歷天市入羽林。滅。占為外兵。

中和元年。有異星出于輿鬼。占者以為惡星。八月己丑夜。星隕如雨。或如杯如椀者。交流如織。庚寅夜亦如之。至于酉止。三年。十一月夜。星隕于西北如雨。光啓二年。九月。有大星隕于揚州府署。延和閣前。聲如雷。炎光燭地。十月壬戌。有星出于西方。色白長一丈五尺。屈曲而隕。占曰。長庚也。下則流血。三年。五月。秦宗權擁兵于汴州北郊。晝有大星隕于其營。聲如雷。是謂營頭。其下破軍殺將。

乾寧元年。夏。有星隕于越州。後有光長丈餘。狀如蛇。或曰。枉矢也。三年。六月。天暴雨雷電。有星大如椀。起西南墜于東北。色如鶴練。聲如郡鴨飛。占為姦謀。光化元年。九月丙子。有大星墜于北方。三年。三月丙午。有星如二十斛舡。色黃。前銳後大。西南行。十一月中。天有大星。自東緩流如帶。屈曲光凝著天。食頃乃滅。是謂枉矢。天復三年。二月。帝至白鳳翔。其明

日有大星如月。自東濁際西流。有聲如雷。尾迹橫貫中天。三夕乃滅。

天祐元年。五月戊寅。乙夜雨晦。有星長二十丈。出東方西南向。首黑尾赤中白。枉矢也。一曰長星。二年。三月乙丑。夜中有大星出中天。如五斗器。流至西北。去十丈許而止。上有星芒。炎如火赤而黃。長丈五許。而蛇行。小星皆動。而東南其隕如雨。少頃。沒後有蒼白氣如竹叢上衝天中。色曹曹。占曰亦枉矢也。

梁太祖乾化元年。十一月甲辰夜。東方有流星如數升器。出畢宿口。曳光三丈餘。有聲如雷。

後唐莊宗同光三年。六月甲申。衆星交流。丙戌。衆星交流。六月庚寅夜。一鼓。西南有流星。約七十餘。皆有尾迹。西南流。其年七月。皇太后崩。辛卯。衆小星流于西南。九月丁未。天狗墮。有聲如雷。野雉皆雊。明宗天成元年。六月乙未。衆小星交流。二年。三月庚申。衆小星流于西北。三年。自正月至于六月。宗人宗正搖不止。長興元年。九月辛酉。衆小星交流而隕。丙戌夜。二鼓初。東北方有小流星入北斗魁。滅至五鼓初。西北方次北有流星。狀如半升器。初小後大。速流入奎滅。尾迹凝天。屈曲似雲而散。光明燭地。又東

北有流星如大桃。出下台星。向西北速流。至斗柄第三星旁滅。五鼓後至明。中天及四方有小流星百餘。流注交橫。六月庚午。衆星交流。七月乙亥朔。衆星交流。

閔帝應順元年。二月丁酉。衆星流于西北。

末帝清泰元年。九月辛丑。夜五鼓初。有大星如五斗器。西南流。尾迹長數丈。色赤。移時盤屈如龍形。蹙縮如二鐮。相鬪而散。又一星稍小。東流有尾迹。凝成白氣。食頃方散。

晉高祖天福三年。三月壬申。夜四鼓後。東方有大流星狀如三升器。其色白。尾迹長二尺餘。屈曲流出河鼓星東三尺。東流丈餘滅。

周世宗顯德元年。正月庚寅。有大星墜。有聲如雷。牛馬皆逸。京城以為曉鼓。皆伐鼓應之。三年。正月癸亥。五鼓後。有大星出南斗。東北流丈餘滅。

宋太祖太宗真宗三朝流星

建隆元年。正月戊午。有星出東北方。如半升器。青赤色。北行。初小後大。尾迹斷續。光燭地。九月癸亥。有星出昴。大如缶。十二月戊辰。有星如半升器。青赤色。出參旗西南。慢行而沒。蒼光燭地。三年。五月乙丑。天

狗墮西南。占曰。其地有兵。後王師討西蜀孟昶既降。草寇連年方定。四年。二月丙午。有星如桃。色赤如弧天。東南沒有光明。

乾德二年。二月乙丑。有星如三升器。黃白色出太微五帝南。速行至外厨沒。其體散落。光燭地。三年。六月丁巳。有星如桃。色黃赤出北斗魁。經太微垣。北過角西。漸大。行五尺餘沒。尾迹凝天。有光明。十二月丁巳。有星出天河。青白色。南行至天倉沒。初小後大。如半升器。光燭地。四年。正月乙未。有星出社星。青白色。速行。尾迹三丈餘。初小後大。沒有光明。四月甲寅。

有星出天乳。青赤色如升器。東南行貫房沒。光燭地。閏八月己丑。有星出天船如升器。青白色。西北速行。沒於文昌。五年。七月戊子。有星出大角如升器。青白色。北行沒。明燭地。六年。六月己卯。有星出河鼓。如升器。慢行。明燭地。

開寶三年。九月庚午。廣州民見衆星皆北流。知星者言劉氏當舉國以歸中原。明年。廣南平。四年。八月辛卯。有星出織女西北行。尾迹三丈餘。沒久有聲。五年。八月乙巳。有星出王良西北行。四丈。有聲而散。占云。有聲。怒也。主使出。七年。九月甲午。有星出室。

西北行。星體散落。有聲明燭地。

太平興國二年。三月丙午。有大星出天梧。光燭地。三年。十月甲寅。有星出天船。赤黃色。如二升器。至天梧。星體散落。明燭地。七月辛巳。有星如稱權。没于婁。八月壬寅。有星出紫微鈎陳東。如盆大。赤黃色。向北速行。近北極没。占曰。外國有使至。是冬三佛齊吐蕃山後兩林蠻來貢。

雍熙元年。十月丁酉。有星出昴。赤色。東南蛇行。二丈餘没。占曰。外國使至。又為姦邪之象。二年。正月壬戌。有星出東井。其大倍於金星。至輿鬼没。占云。四表來

貢。是歲占城邛部川蠻西南蕃來貢。四年。六月庚戌。酉初有星出西北。色青白。入濁。當戌地。有聲如雷。占曰。戌地兵飢流血。是後李繼遷擾西部。八月乙亥。有星出天關東。色赤黃。尾貫月。

端拱元年。四月辛亥。亥時有星出天津。大如釃。赤黃色。蛇行有聲。明燭地。犯天津東北星。占云。枉矢見。逆臣誅。其年陳廷山謀叛。磔於市。閏五月辛亥。丑時。有星出奎。如半月。北行而没。占云。有溝瀆事。乙卯。有星出紫微鈎陳西。大如釃。色青。尾迹短。赤光照地。北行而没。九月癸丑。有星出西南。如太白。有尾迹。至中天。

旁出一小星。行文餘。又出一小星。相隨至五車。沒。占主兵戰賊敗。二年。四月辛亥戌時。有星出東南。如升器。色白。墜于氏房間。占云。宰相出。明年春。趙普留守西京。壬申。有星出漸臺。大如盆。色赤。東南急行。掩左旗。過河鼓沒。

淳化元年。九月辛巳。有星出羽林。色青。南行。光奪月。占曰。禁兵出。十一月壬午。流星出天關。如半月。南行。歷東井。郎位攝提。至大角。東北墜于地。光芒四照。聲如墮墮。占曰。秦燕分兵。疫水旱。二年。正月丙申。有星出水府西。大如杯。色赤黃。經參。其分為三星。相從。

至天苑東。沒。光燭地。七月癸酉。有星出雲雨側。大如杯。色青白。緩行三尺餘。沒。占云。為大風。發屋折木。三年。三月己酉未時。西北方有星。西北速行。大如杯。色青白。有尾迹。占云。有陰謀。將不和。刑傷兵疫之象。屬燕分。四月己卯。有星出文昌西南。速行至柳。分為二星而沒。六月己丑。有星出天市垣。屠肆東。色青白。西北慢行。文餘。分為三星。從而沒。四年。五月乙未。平明。有星東南出南斗。大如杯。色青白。西北行而沒。云。眾星沒。流星出者。為警動眾庶之象。色青白。主兵急流。事速。五年。八月己酉。常星未見。有星出東方。

色青白。東北慢行入濁沒。約出奎婁間。占為兵衆之象。九月庚午。有星出昴北。大如杯。緩行過卷舌。至礪石沒。占云。星大事大。緩行事。緩為候兵討賊殺將之象。

至道元年。四月乙巳。常星未見。有星出心北。大如杯。色青赤。急行而墜。占云。兵象。七月癸丑。有星出危。大如杯。色青白。入羽林沒。占云。為兵大起。將軍出。二年。五月辛丑。有星出紫微北。尾迹丈餘。彗而有聲。墜于室壁間。占云。所墜之地。破軍殺將。今墜北方。主北蕃君長災。五月己未。日未及地。五尺間。有星出中天。

大如杯。色赤黃。有尾迹。東北速行。二丈餘沒。占云。動衆之象。荆楚有兵疫。六月己卯。有星出牽牛。西歷狗國。光芒丈餘。墜東南及地無聲。又有星出翼。貫天廟。墜于稷星東。光燭地。占云。胡戎狂亂。又云。兵起。命將宜告廟。九月丁酉。平明。有星出北方。大如杯。東行三丈餘。分為三星。從而沒。占云。皇王欲發。使慰四方。三年。九月丁丑。有星二隕于西南。一出南斗。一出牽牛。有光三文許。

咸平五年。三月丙午。有星晝出心。至南斗沒。赤光丈餘。八月辛巳。有星出營室。大如杯。色白有光。九月丙

申。有星出東方西南行。大如斗。有聲若牛吼。小星數十隨之。而隕戊戌。又有星千數入輿鬼。至中台。凡一大星。偕小星數十隨之。其間兩星如升器。大至狼星。壹至南斗。沒。占曰。燕朔民流徙。又曰。有兵不戰。踰年。契丹擾河朔。請盟而去。壬子。有星出中天如缶。尾迹數道如迸火。西流至狼孤沒。六年。五月乙未。有星出王良西。又出北極稍東北。至垣外沒。有聲如雷。占曰。遠邦有歸伏者。其年高麗三佛齊大食蒲端國並朝貢。七月壬辰。有星出昴。尾迹丈餘。色白。隱隱有聲。至狼沒。占曰。有赦。明年改元。大赦。二月乙酉。威虜軍

有星大如斗。歷城西北。尾迹長數里。光炤地。落蕃帳。有聲如雷者三。占曰。有敗兵流血。殺將伏尸。明年春。李繼遷却西涼府。為潘羅友所敗。中流矢死。

景德元年。十月戊申。天雄軍有星出北方。大如斗。隕于西北。赤光丈餘。二年。正月丙子。日未沒。有星速流西南。大如杯。占曰。外國大使至。是冬契丹使來。四月癸卯。有星北流入天市。如升器。尾迹丈餘。十二月壬子。有星出胃南。聲如雷。光燭地。三年。五月乙卯。有星出天津東北。至紫微垣北。分為四星。隨而沒。赤黃有尾迹。丁酉。有星出胃北。入天囷。迸為數星。光燭

地。七月庚申。有星出虛。旁有短彗。聲如雷。至東北沒。赤光照地。占曰。奏楚有暴兵。明年。宜賊叛。荆楚發兵。十一月辛丑。有星出中台東北。速流有聲。光燭地。四年。六月丙辰。有星出北方。慢流至八穀。迸為數星。沒。光燭地。七月辛卯。有星出敗瓜南。大如杯。慢流。歷河鼓。入天市。至宗人東北。迸為二星。沒。色赤黃。有尾迹。十二月癸巳。有星出弧矢。赤黃色。尾迹丈餘。光燭地。速流入濁。占曰。燕趙饑。

大中祥符元年。二月戊申。有星十餘。急流入濁。色赤黃。有尾迹。五月辛未。有星如太白。出天市垣。宗人東

南。尾迹丈餘。闊三寸。向北慢流。至女牀西。分為數星。沒。九月乙丑。有星出天倉。急流東南。星體散落。二年。三月己未。有星如斗器。出天津南。至離珠。沒。尾迹五尺餘。照地明。占曰。后宫憂。四月丙申。有星出八穀。如升器。有尾迹。速流西。至五車東。迸為數星而沒。八月丙申。有星北斗杓西南。急行至郎將西。分為數段。占曰。燕分飢。三年。三月丁未。有星出天市宗人東北。如升器。尾迹二丈。至旗。迸為數星。沒。光燭地。五月丁亥。有星出北斗魁。如桃。色青白。尾迹二丈餘。乙丑。有星出傳舍。如桃。色赤黃。至紫微。沒。壬申。有星出建星。

如升器。入南斗没。赤黄有尾迹。七月庚辰。有星出宗人西。如升器。北流入濁。光照地。八月丁未。有星出貫索。如升器。至帝席没。尾迹光明。九月庚辰。有星出軒轅。如半升器。入太微垣没。十月甲戌。有星出東方。赤黄無尾迹。分為數星。稍南没。四年。二月辛亥。有星出東方。尾迹赤黄二丈餘。占為天保星。所見吉。四月乙丑。有星出柳。如升器。色赤黄。至翼没。六月壬戌。有星出嘴。東北如升器。流入濁。占曰。東北蠻夷憂。七月壬申。有星出紫微宮。如升器。速流至天皇没。十月戊午。有星出東北。如升器。流入濁。又星出七星南。大如

杯。至天稷没。尾迹丈餘。

五年。二月戊申。有星出貫

索。經庫樓。迸為數星。没。八月戊午。有星大小二十餘。皆有尾迹。北流。又一星如升器。光燭地。出紫微垣外。尾丈餘。闊三寸許。東北流。至傳舍没。占有大慶大赦。是冬。聖祖降赦。常所不原者。六年。十一月丁巳。有星出太微。郎位東。大如杯。色赤黄。有尾迹。至軫。北迸為數星。没。占曰。大臣憂。七年。三月丙戌。有星出南河。大如杯。至玉井没。占曰。秦齊飢。四月辛酉。有星出鈎陳。大如杯。尾迹赤黄。占曰。發大使宣急令。是歲遣巡撫江淮兩浙。八年。二月丁卯。有星出郎將北。迸

為三星。四月癸丑。有星出亢西。至右攝提。迸為數星。隨而沒。五月乙酉。有星大如杯。青白色。出人星。至騰蛇沒。光燭地。八月己亥。有星出參大如杯。南流入濁。天禧元年。四月己巳。有星出軫大如杯。至器府北沒。光炤地。十二月癸巳。有星出東北。大如杯。尾迹赤黃。急流西南沒。二年八月乙卯。有星二大如杯。尾迹赤黃。一出五車。一出狼北。入濁。九月戊子。有星如二升器。出西南河。色赤黃。至柳沒。三年六月乙巳。有星出昴大如杯。急流至天倉沒。十二月壬寅。有星出軒轅大如杯。尾迹黃。慢流至太微垣。久之有聲如雷。占曰。女主之慶。四年正月丁巳。有星出王良大如杯。明照地。至騰蛇沒。占曰。有大水。其年秋。京師大雨。河渠壅溢。壞廬舍。五年四月己未。有星出南方。如二升器。北流入濁。尾迹三丈餘。十月乙巳。有星出天津西。大如杯。

文獻通考卷之二百九十一卷終

文獻通考卷之二百九十二

鄱陽馬端臨貴與著

象緯考

仁宗英宗兩朝流星

乾興元年五月壬午星出危大如杯赤黃色有尾迹
速行而東炸如迸火隨至羽林軍南沒明燭地占曰
北夷兵動九月己丑星出天市垣旁緩行經天過天
市垣至營室沒占曰大臣出使土功起十月丁酉星
出右旗如太白西南速行至天弁沒明燭地占曰兵
動將軍勝

天聖元年。閏九月甲辰。常星未見。星出營室至外屏。沒。占曰。主屋室修營事。

四年。五月辛巳。出星天市垣市樓側。東北流入濁。占曰。有街肆之事。

五年。九月丁未。星出北辰。沒于天床側。占曰。宮中不安。宜審察之。

六年。四月甲申。夜漏欲盡。有星大如斗器。自北方至於西南。光焰地。有聲如雷。曳尾跡長數丈。久之散為蒼白雲。

八年。二月丁酉。星出軒轅大星側。如杯。速行至器府。沒。占曰。憂火災。

十年。三月癸巳。星出中台貫北河入東井。沒。炸烈有聲。明燭地。食頃。又有星出天市垣宗人側。東流入濁。八月癸亥。星出天船。近鈞陳。沒。明燭地。乙丑。星出胃大如杯。有尾迹。西北緩行。迸為六七小星。相隨于大陵。明燭地。九月丙子。星出婁。沒於雲雨側。尾跡久方散。食頃。又有星出天大將軍。近奎。沒。尾迹久方散。明燭地。續又星出北辰西北。速行至內階。沒。又有星出天苑。沒于天園。明燭地。

景祐元年。八月己卯。星出東井。行至廁星。沒。尾迹久

方散。明燭地。占曰。井秦地。主有水災。没于廁。為兵象。九月己丑。星出東井。如太白。赤黃色。有尾迹。向東速行。至柳。没光照地。占曰。使出有火令。其夜星出婁。至奎。没明燭地。占曰。有溝瀆之事。

二年。八月庚申。星出大陵。如太白。赤黃色。東南緩行。没于昴。尾迹久。方散。明燭地。占曰。四夷有兵。

四年。六月壬申。星出王良。如太白。青白色。有尾迹。東南速行。至婁。没。明燭地。占曰。兵出及倉庫官有憂。七月戊申。有星數百。皆西南流。其最大者一星。至東壁。没。光照地。久之不散。占曰。衆庶流移之象。

五年。四月壬申。有星出中台。如太白。青白色。有尾迹。向北速行。入濁。明燭地。占曰。將相憂。又星出大江。如太白。有尾迹。西南速行。至房。没。占曰。有大水。

寶元二年。三月癸丑。星出右旗。赤黃。有尾迹。向南速行。没于建。星。明燭地。占曰。兵為亂。下有謀。

康定元年。三月癸丑。星出北斗。北行入濁。明燭地。占曰。使出北方。

二年。九月己酉。有星出奎。如太白。赤黃。有尾迹。西行。没于東壁。明燭地。占曰。天下文章之士用。

慶曆二年。三月庚戌。星出勾陳。側如太白。赤黃。有尾迹。

迹。西北緩行至天棒沒。明燭地。占曰。天棒主忿爭刑罰。蔽兵禦難。備非常也。今流星入之。主爭地。七月乙丑。星出西北方。大如酸。西北行丈餘沒。色赤黃有尾迹。明燭地。十二月庚申。有星出弧矢。南行入濁。赤黃有尾迹。明燭地。占曰。秦分兵動。及土功事起。

五年。六月。星出奎如太白。西行至天倉沒。有尾迹。明燭地。占曰。有溝瀆事。及兵起。壬戌。星出營室如太白。赤黃色。東南速行。過危及虛。有尾明燭地。占曰。北狄交兵。齊分民有災。

六年。六月丁巳。星出營室。大如桎。光燭地。有聲。北行至王良沒。占曰。兵出。

七年。六月己巳。星出天田。赤黃色。有尾跡。西南緩行至折威沒。占曰。邊將憂。九月。星出天苑。如太白。南行至天園沒。有尾迹。明燭地。占曰。牛馬禽獸多死。

八年。六月己卯。星出北斗。至郎位沒。有尾跡。明燭地。占曰。兵出。八月乙亥。星出東壁。赤黃色。東北速行至濁沒。占曰。天下文章之士用。

皇祐元年。六月己巳。星出匏瓜。赤黃有尾跡。向南速行至建星沒。占曰。吳分有謀。

二年。四月癸未。星出氐。赤黃色。東南速行至心沒。有

尾迹明燭地。占曰。內使出外使來。德令宣布。國人有喜。

四年。九月。星出紫宮北辰側。赤黃色。西南速行至貫索沒。尾迹疑天明燭地。占曰。有赦宥。

五年。九月乙亥。星出參如太白。西北速行至昴沒有尾迹明燭地。占曰。兵出以禦胡寇。

至和元年。七月壬戌。星出王良。色赤黃。向北速行至天船沒有尾迹明燭地。占曰。兵涉津梁。

三年。九月壬午。星出東井。如太白。赤黃色。向北速行至文昌沒。占曰。秦晉分有水。將兵者還。

嘉祐二年。七月丁丑。星出王良。如太白。赤黃色。西南緩行至亢沒。有尾迹明燭地。占曰。中官有咎。

三年。七月乙酉。星出北河。如太白。赤黃色。東南緩行散為數道。至狼沒。尾迹疑天。占曰。北河胡漢之界。狼為盜賊侵掠。宜警邊河。備兵革。

四年。五月癸丑。星出營室。大如杯。赤黃色。西南速行至羽林軍沒。炸烈有聲。占曰。軍行炸而有聲者。戍兵不安。六月辛未。星出胃沒于鈞陳。又有星出天船。至王良沒。占曰。倉廩官災。津梁有阻。策馬者憂。九月己亥。星出紫宮鈞陳側。大如盃。東北速行。曳尾長五尺。

初直後曲。流至北辰東沒。沒後尾迹凝結如盤。食頃散。占曰。流星大者事大。曲行者姦事也。色赤兵象。北行。其事在北方。今形體異于常。而小星十數。南北分。流衆庶流行之象。宜審察姦謀。以備未萌。

五年正月辛卯。星出畢。大如盆。赤黃色。速行至天倉。沒。明燭地。尾迹炸烈而散。有聲如雷。占曰。流星大者事大。有聲如雷。怒之象。出於畢。主邊事。兵爭不利。入天倉。粟以兵出。八月庚申。星出東壁。東行入濁。占曰。文學之士有憂。

六年八月丁未。星出狼。大如杯。至天社沒。明燭地。尾迹凝天。良久散。占曰。國多盜賊。風雨不時。

七年十月庚寅。星出南河。至天社沒。明燭地。占曰。邊兵不安。風雨失序。

八年七月乙丑。星數百縱橫西流。占曰。流星無名。衆庶之象。皆西流。民勞役。

治平元年二月。星出紫宮。鈞陳側。西北入濁。沒。明燭地。尾迹炸烈。有聲。占曰。后妃有憂。

二年八月乙未。星出河鼓。大如醜。色赤黃。速行至天市垣。內宗星沒。占曰。有兵。

三年四月癸巳。星出房。至濁沒。明燭地。尾迹炸而散。

占曰。卿相有逐者。

四年。正月壬子。星出亢西。如太白。東南急行至氐東。沒。赤黃有尾迹。主國有使清獄。須恩。流於氐。主上卿憂。四月己酉。星出房東。如孟口。西南慢行至亢。沒。赤黃有尾迹。明燭地。聲如擺旗。主有使出恤民。或外國有使來。八月星出柳東。如太白。東急行入濁。赤黃有尾迹。主宗廟有喜。賢臣任用。十一月。星出五車東。如杯口。西南急流至昴北。沒。赤黃照地。明。主天子遣使恤民。五穀成。亦主西夷交兵。

神宗熙寧元年。二月壬戌。星出角東。大如太白。急行至翼。沒。赤黃有尾迹。主天子發使外國。四夷受賜。六月庚申。星透雲出天棓西。如太白。北急行。至天市垣西。墻沒。赤黃有尾迹。主戡兵以備。難非常。八月癸亥。星出壘壁陣。如太白。緩行至狗國。沒。赤黃照地。

二年。二月。星出平星南。急行入濁。沒。狀如前。主有執法。正紀綱。使出。四月辛酉。星出閣道。如太白。東南速行。至東壁。沒。青白有尾迹。主文章士用。天子好道。賢臣在位。遠國來賓。七月丁卯。星出危南西南。急行至壘壁陣。沒。狀如前。主天下安。五穀熟。土功興。十月己卯。星透雲出大陵北。如太白。西南急行。至東壁。沒。青

白有尾。主用故臣。亦主文章士爲用。遠國來賓。
三年。二月己丑。星出太微垣西上將南。如孟。西急行。
入濁沒。狀如前。明燭地。主大臣於楚分有外事。六月
壬申。星出紫微垣西垣牆北東北。慢流至濁沒。狀如
前。主天子之使言兵事。十二月。星出外屏西南。速行。
入濁沒。狀如前。主人多不安。

四年。三月。星出天市垣內斗星西北。逆行至貫索西。
沒。狀如前。主倉庫盈溢。五穀豐。六月。星出營室西南。
流至壘壁陣沒。狀如前。主天子行禮出賞。國樂民安。
九月甲午。星出紫微垣西牆東北。速行入濁沒。狀如
前。主兵或土功之事。

五年。七月己丑。星出七公南西南急行。至天市垣西
牆沒。狀如前。主五穀豐成。倉庫盈溢。十月戊寅。星出
紫微垣內後宮東。如杯。北慢行入濁沒。主使出外夷。
亦主地動。

六年。四月丙子。星出貫索如杯。慢行至紫微垣牆上
宰沒。青白照地。明主外國有使入。六月辛卯。星出營
室北。如杯。東南急行至壘壁陣沒。赤黃有尾迹。照地。
明主使出言兵。八月壬辰。星出羽林軍西。如杯。南緩
行入濁沒。青白尾迹分。並照地。明主軍出邊鄙。亦主

軍中不和

七年二月壬申。星出天棓北。東北緩行至造父。沒狀如前。主兵出備邊鄙。四月丙戌。星出天市垣東北。慢行至候星。沒狀如前。主萬物貴。八月癸未。星出羽林軍內。如桮北。慢飛至大陵。沒。赤黃有尾迹。主大軍出。十月庚子。星出天倉西西南。慢流至敗臼。沒。如桮。赤黃尾迹分裂。照地明。主歲五穀待邦用。亦主歲飢粟出。

八年三月丁酉。星出積水東。如太白。速行至五車東。沒。赤黃有尾迹。主糴貴。九月丙寅。星透雲出河鼓北。如太白。東南緩行至危。沒。赤黃。主天下民安。五穀熟。土功興。十月乙未。星出弧矢西北。如桮。東南緩行至濁。沒。青白有尾迹。照地明。主南夷來貢。國有賢臣。

九年三月甲子。星透雲出天市內。宗正西北。慢至太微垣五帝座。沒。狀如前。主執政憂人多死。五月丁丑。星出尾北東南。急行入濁。狀如前。主後宮有子孫之喜。六月丙午。星出東壁北。如桮。南急流至羽林軍。沒。赤黃有尾迹。主天子用故臣。八月壬寅。星出危北。西南急流至濁。狀如前。照地明。主天下不安。十月丁未。星出柳東。速行入濁。狀如前。主宗廟有喜。賢臣任用。

亦主多雨

十年正月辛巳。星出參西南。速行至天苑沒。主穀賤。牛馬多傷。四月甲辰。星出郎位北。急流至下台南沒。狀如前。主大臣有咎。六月乙巳。星出王良東西北。急流至紫微垣內鈎陳沒。狀如前。主兵將出。十月己亥。星出霹靂北西南。急行至濁沒。狀如前。主陽氣大盛。擊辟萬物。

元豐元年。閏正月甲辰。星出柳北。西急行至天廩沒。狀如前。照地明。主穀熟。六月甲辰。東南方光燭地。有星如盂。出匏瓜。至內階沒。分裂有聲如雷。主兵喪。八

月甲子。星隔雲照地明。東北急行至濁沒。主有大使出東北方。其方流血。十一月丙寅。星出北河北東南。急行至孤矢沒。狀如前。主使出。十二月壬子。星出輿鬼東北。速行至軒轅沒。狀如前。主后有喜。

三年二月辛丑。星出孤矢南東南。速行至濁沒。狀如前。主西戎有兵賊。五月辛未。星出中合北。東南緩行至天江沒。狀如前。主水泛溢民飢。十一月丙辰。星出厠星東東南。慢流至濁沒。狀如前。主晉分民疾。

四年正月戊戌。星出五車北。如杯。西南急流至天困沒。赤黃尾迹分裂。主外國來貢。六月戊寅。星出紫微

垣內厨南。如太白。慢流至大角沒。赤黃有尾迹。主將出。九月己酉。星出天街北。急行穿五車沒。狀如前。主粟麥貴。十一月乙未。星出鈞陳北。東北慢行至濁沒。狀如前。主後宮有喜。

五年。四月庚申。星出角東南。急行至濁沒。狀如前。主發使外國。七月辛巳。星出天市垣內列肆西北。急行至濁沒。狀如前。主人主憂。

六年。閏六月丙子。星出貫索東北。西南急行至濁沒。狀如前。主貴女憂。九月癸卯。星出五車東北。急行至濁沒。狀如前。主有兵車出。

七年。四月辛未。星出平星東。西南慢行至濁沒。狀如前。主臣黜期半年。

八年。二月庚辰。星出太微北左執法北。東南急行入濁沒。狀如前。主大臣執法者憂。七月庚申。星出胃宿。急流至天囷沒。狀如前。主外國來降。倉庫盈。賞大臣。及有憂恤事。十月庚寅。星出昴南。急流至濁沒。主有赦令恤民。

哲宗元祐二年。二月丙戌。星出上台北向。西北急流至王良南沒。赤黃有尾迹。明燭地。主遣使安撫四方。搜揚草澤。招賢集德。七月丁巳。星出墳墓東。慢流至

壁南沒。狀如前。主大臣有喪。十一月戊申。星出紫微垣北。西北急流。至濁沒。狀如前。主使出。

二年。正月辛巳。星出軫南。向南急流。至濁沒。狀如前。主大臣忠諫。賢人來。國昌萬物賤。九月甲寅。星出天市垣中山北。西急流。至天紀西沒。狀如前。主有赦令。賞賜。

三年。三月己酉。星出亢南。向南慢行。至濁沒。狀如前。主天子遣使。清姦獄。頒赦令。六月庚子。星出壁南。東南急流。入羽林軍內沒。狀如前。主文章士爲用。亦爲兵起。八月癸巳。夕有星自中天。向東急流。至濁沒。狀如前。主其下兵戰。

四年。三月戊戌。星透雲出織女東。速行至天津西沒。狀如前。主布帛貴。亦主大衆。九月壬午。星透雲出天棓北。速行至濁沒。狀如前。主脩兵備。十一月己酉。星出司恠西南。如杯。慢流。至參旗沒。赤黃有尾迹。主使出其方。亦主兵起。

五年。正月己丑。星出司恠西南。南行至濁沒。狀如前。主遣使。七月辛未。星出危。如太白。東南急流。至濁沒。青白有尾。明燭地。主國安民豐。及土功興。十月己未。星出車房。急流北。至天津西南沒。狀如前。主兵軍動。大

衆行及主河事

六年二月辛丑。星出翼東南。急流至濁沒。狀如前。主國人皆受恩賜。七月癸亥。透雲星二。皆出太白。一出天槍東南。急流至亢東沒。一出奎東西南。急流至壘壁陣東沒。赤黃有尾迹。主有兵起。侯王受賜。十月丁卯。星出王良南。東南急流至濁沒。狀如前。主多風雨。亦主遣將。

七年二月戊午。星出販瓜。東南急流至虛東沒。狀如前。主遣使或冢宰憂。四月甲子。透雲星出天市垣燕星南。急流至濁沒。狀如前。主倉庫盈溢。五穀豐。八月。臣市有火災。十二月丁未。星出天槍西南。急流至濁沒。狀如前。主大兵起。斧鉞用。亦主賑貸。及遠方賢人至。

元符元年三月甲戌。星出天乳北。急流至羽角沒。狀如前。主禮義教興。遣使及隣國使入貢。六月。星出室如桎。至壁東沒。青白有尾迹。主軍糧豐。五穀成。文士入。賢人用。

二年二月癸卯。星出靈臺北。向西慢行至軒轅沒。狀如前。主賢臣在位。天子有子孫之喜。十月辛丑。星出女西北。急流至牛西北沒。狀如前。主五穀貴。有水災。

容齋洪氏隨筆曰。國朝星官曆翁之伎。殊媿漢唐。故其占測荒茫。幾於可笑。偶讀四朝史。天文志云。元祐八年十月戊申。星出東壁西。慢流至羽林軍沒。主擢用文士。賢臣在位。紹聖元年二月丙午。星出壁室東沒。主文士入國。賢臣用。二年二月癸卯。星出靈臺北。行至軒轅沒。主賢臣在位。天子有子孫之喜。按是時宣仁上仙。國是不變。一時正臣。以次竄斥。章子厚在相位。蔡卞輔之。所謂四星之占。豈不可笑也。子孫之說。蓋諂劉后云。

辛未。星出奎距星西南。急流至濁沒。狀如前。主天下安寧。遠人來貢。

八年正月甲申。星出天市垣內候南。東南急流至濁沒。狀如前。主民流。十月戊申。星出天棓東南。北流至濁沒。狀如前。主有赦。及宥大臣罪。

紹聖元年二月丙午。透雲星出壁東。慢流入濁。狀如前。主天下文章士登用。賢臣在位。遠國來賓。六月。星出人星南。急流至牛沒。狀如前。主牛馬昌盛。關梁入貢。十月甲申。星出天槍南。慢行至上台沒。狀如前。主賑貸。亦主兵及大將憂。

二年三月丙辰星出天津東北向東慢流至室北沒。狀如前。主使出。及外國使至。五月甲寅星出閣道北。東北急行至濁沒。狀如前。主風雨。十月庚寅透雲星出張南東。南急流至濁沒。狀如前。主天子社稷昌。三年二月丙子透雲星出太微垣。慢流至濁沒。狀如前。主使出。五月己未星出平星西。如極大。急流至濁沒。青白有尾迹。明燭地。主臣有黜者。

四年六月甲申星出亢西南向西急流至濁沒。狀如前。主使出。清犴獄頒恩赦。九月乙卯星出天困東之南。急流入濁沒。主帝王布德令。外國貢異寶。及賞大。

按容齋言星曆之學無傳。故其占不驗。然愚嘗攷之。五緯行天。其常也。流星飛星之變。非常也。故前史所書。或數年一見。或間歲一見。其甚者則一歲頻見。今宋史所書。則無月無之。而四朝志尤甚。至有一月而四五見。或同日而數流者。今姑掎摭其略。每季僅一書。而猶覺繁夥。夫其紀載之冗雜如此。則其占驗之茫昧。固宜矣。

徽宗建中靖國元年正月星出西南如孟。東北急流入尾距星沒。青黑無尾迹。明燭地。主舊來歸。后族進。

祿亦曰。風雨時。稼穡成。

崇寧元年。三月。星出張。如金星。西南急流至濁沒。狀如前。主諸侯受賜。天子宗廟社稷昌。十月壬子。星出天船如孟。急流至五車沒。青黑有尾迹。聲隆隆然。主大水。或曰。水旱不時。

二年。正月戊申。星出水位如金星。急流至北河沒。狀如前。主大水。六月戊午。星出亢西。南急流入濁沒。狀如前。主天子遣使清獄頒恩。九月辛巳。星出牛西南。慢流至狗國沒。狀如前。主民流亡。十二月丁未。星出大陵如金星。至騰蛇沒。狀如前。主其下有積尸。一曰。

水旱兵喪

三年。四月戊申。星出軫西。北慢流入太微垣內屏星沒。狀如前。主外國有急使期。不出一年。十二月甲子。星出天大將軍西。北急流入王良沒。狀如前。主大兵將出。

四年。正月甲申。星出角如孟。西南慢流入濁沒。青白無尾迹。主天子發使外國。五月庚申。星出河鼓西。北急流入濁沒。狀如前。主諸侯作亂。一曰。兵起。十二月甲午。星出參如杯。東南慢流入軍市沒。狀如前。主大將出。一曰。有赦。又云饑。

五年六月庚午。星出西。東北急流入天市垣內。沒。狀如前。主王者有憂。一日閹臣出。六月乙酉。星出庫樓。向西急流入濁沒。狀如前。主鄭分受兵。九月癸卯。星出天船。慢流至諸王沒。狀如前。主水旱不時。十二月壬戌。星出奎。向南急流入天倉沒。青白有尾迹。及三丈。明燭地。聲散如裂帛。主天子用文偃武。一日歲熟。大觀元年。二月丁卯。星出參如杯。西南急流入濁沒。狀如前。主天子遣使安邊。一日米賤有赦。二年十二月癸卯。流星出奎如盂。西北急流入造父沒。青白有尾迹。照地明。有聲。主有溝瀆事。

政和元年。四月丙辰。星出亢如盂。西北急流至右攝提沒。赤黃有尾迹。照地明。主兵來入計於王庭。五月辛巳。日未中。星隕東南。主下有兵流血。

二年九月乙卯。星出斗如杯。西南急流入濁沒。赤黃有尾迹。照地明。主大臣死。

四年九月庚子。星出危墳墓如盂。東南急流入羽林沒。青白有尾迹。照地明。主人民安。土功興。一日有喪。諸侯憂。

七年十二月甲子。星出胃東南如盂。西北急流至天大將軍沒。赤黃有尾迹。照地明。主天子以金玉賞大

臣外國有來降者。一曰。趙分五穀熟。八年。九月庚辰。星出斗魁南如盂。東南急流至天淵。沒。赤黃有尾迹。照地明。主不出其年兵起。一曰。大臣死。江河溢。

宣和元年。三月丁卯。星出柳如盂。東北急流入太微垣。赤黃有尾迹。照地明。主多雨水。一曰。周分憂兵起。外國或有急使。十月戊子。星出雲雨如盂。西南慢流入羽林軍內。沒。青白照地明。主后憂疾。大風雨。

二年。十二月辛巳。星出奎西南如杯。西南慢流至壁。沒。赤黃有尾迹。照地明。主其下破軍殺將。一曰。天子好道。用故臣。

四年。十一月丙寅。星出王良北。如杯。急流至紫微垣內。上輔北。沒。赤黃有尾迹。照地明。主匈奴兵起。天下大亂。上輔人君惡之。

五年。二月丙午。星出北河東北。如杯。東南慢流至軫。沒。赤黃有尾迹。照地明。主天下有難。

六年。七月丁酉。星出大陽。守如盂。東北急流入濁。沒。赤黃有尾迹。照地明。主將相憂。兵革興。

七年。十月戊子。星出王良北。如杯。急流入紫微垣。上輔北。赤黃有尾迹。照地明。主大兵將起。天下大亂。人

君惡之

靖康元年。二月丙辰。星出張如金星。東南急流至濁。沒青白。有尾迹。炤地明。主有赦令。三月壬辰。星出紫微垣內。鈎陳東南。如金星。東北慢流至濁。沒赤黃。有尾迹。照地明。主兵起。土功興。一曰。人君惡。后妃憂。六月癸丑。星流大如五斗器。衆光隨之。明炤地。起東南。墜西北。有聲如雷。庚申。星出紫微垣內。華蓋東南。如金星。向北急流。至左樞。沒。主發使有赦。人君惡之。二年。正月乙未。大星出建。向西南急流。至濁。沒。赤黃。有尾迹。照地明。主吳秦有兵。

高宗建炎四年。十月辛未。流星出壁。占文章士用。自是范冲等召。

紹興元年。三月甲戌。流星出東方。晝隕。占其下有急兵。破軍殺將。其地流血。七月乙未朔。流星出河鼓。占兵出。十一月丁巳。流星出天槍北。占兵大起。斧鉞用。於是命韓世忠提兵入建州。討范汝為。平之。明年。岳飛大破曹成。

二年。三月甲午。流星出紫微垣華蓋西南。占主內使出。戊午。流星出自權星西南。照地明。占有使來論兵事。未幾。王倫自虜還。乃遣潘致堯等使虜。金人遣李

永壽等來議事。四月乙巳。流星出大微垣西右執法星北。占主大臣有外事。出天庭之門。天子使也。次月。呂頤浩出師。

六年十月。流星出壁西北。占天下文章士與賢士並用於。是胡安國。尹焞召。

七年八月。有星隕於汴京。是年金人廢偽齊。

八年十一月乙巳。流星出天困東北。占有賑發事。於是以來二萬石付岳飛。賑京西湖北饑民。又以錢五千萬付吳玠犒軍。

二十六年六月乙亥。流星出東北方。照地明。占流星

晝隕。其北大戰。流血千里。分屬燕野在幽。

二十八年六月癸巳。有星從西北。離地約高一丈。至西北沒。

三十一年六月甲子。飛星出氐宿入角宿。赤黃色。初小後大。有小星相隨。占爲兵。八月壬午。流星約長三丈。晝隕。占營頭也。若晝見橫天明者。臣下圖議。誅罰善良。

孝宗隆興元年。七月丙申。流星出天市垣內。向西北。慢流至右攝提西沒。臨沒時。炸散小星二十餘顆。赤色有音聲。有尾迹。占天子欲有赦賜事。庫倉盈溢。五

穀豐。君喜。入右攝提星。則有外兵事來。入計王庭。炸散有聲。皆為怒氣。天下不安。急使馳驛。色赤為兵旱火。八月庚申。流星出羽林軍。向東南急流。至濁沒。九月庚戌。流星出紫微外垣座。鈞星向西北急流。抵紫微垣內座。尚書沒。十一月丁未。飛星出天船星。急流向紫微垣外座。內厨西北沒。炸出二小星。青白色。三年。二月辛酉。飛星出權星。慢流至大微垣內。五帝座。大星西南沒。青白色。微有尾。大如木星。占兵起。外國當有急使。為大人憂。

二年。九月戊戌。大角搖動。十一月壬午朔。流星晝墮。占臣下圖議。誅罰忠良。癸未夜。流星出犯弧矢。急流至天廟東南沒。大如金星。十二月壬午。亦如之。占胡兵起。屠城殺將。

乾道四年。八月丙辰。流星如蛇。出自十二諸侯國代哭之間。至師門之下沒。占哭泣之象。

五年。九月丙辰。流星如蛇。入天棓。占流星如蛇行者。姦事也。大而光者。其貴人且衆也。入天棓星。為天子之先驅。分爭及刑罰。

六年。九月辛巳。有星出狼星。穿入弧矢星。至濁沒。如土星大。赤黃色。有尾迹。後化為緊細白雲。九刻乃散。

占胡兵起。當有屠城殺將。尾迹化爲白雲。其名大涓。流血積骨。縵縵如秦野。在雍戎狄將亡之兆。

七年。七月戊戌。東北方蒼黑雲間。有透雲流星如拳。大急向西北方至。濁沒狀如前。占大使也。凡流星暉然有光。白長竟天。曰。人主之星。相從三軍。於是次年春。遣虞允文出蜀治兵事。九月甲午。西南方流星急流至。濁沒狀如前。主兵刑民饑。

淳熙七年。五月乙亥。流星出天市垣。東海慢流。炸作三小星。青白色。尾迹炤地如盞口。占青爲憂饑。白爲兵。

十一年。四月乙丑。流星透雲。出自中天。慢流向東方。沒有尾迹。後炸作散小星。從青白色。有音聲。大如金星。是爲流星。夕墜者。占下有兵疫。炸散有聲。怒之象。

十三年。九月辛亥。流星大如金星。其色先赤後黃。白尾約二尺。委曲如蛇行。有類枉矢。占爲以亂伐亂。又云。枉矢。臣不忠不良。天下恐。又云。政暴虐。枉矢如蛇行。姦事。

寧宗慶元二年。九月甲午。流星晝墮。

四年。六月甲午。亦如之。七月壬寅。流星如椀大。出羽。

林軍之下。青白色。占為憂為兵。

嘉泰二年。四月辛巳。流星晝隕。占赤色為兵旱。是歲大旱。

四年。十一月庚午。流星出天津。急流天市垣。占火災民疾。

開禧元年。十二月庚子。流星赤色。及金色星大出。中天向濁沒。占為兵旱火。

二年。六月癸丑。流星出招搖。入庫樓。色占同上。

六年。五月癸亥。流星晝隕。占其地大戰覆軍。流血千里。九月癸卯。流星夕隕。占其下兵疫。色赤為兵旱。丁

巳。流星晝隕。於是金國亂。十月戊戌。流星出自昴宿西南。慢向天廩東南沒。占兵起。他國使來。有赦令。入天廩。色赤為旱火。黃則大熟。

七年。四月壬午。流星出自軫宿。距星東南。慢流至濁沒。有使出。辛卯。流星出自天津。西南慢向心宿西北沒。占如前。是秋金人使來索歲幣。

十六年。十一月壬戌。流星怒聲如雷。

